

鍼

灸

聚

英

慈谿馮氏

耕餘樓藏本

高氏尚編有鍼灸節要故此
書口有中正字樣其上帙即節
要是也此是聚英單行本特為

註明

甲庫有乙部三三帙俱全惜
印時較此本為後

余生平勤於披讀名家醫書
以之別欣然無喜不得則惆然
失明知玩物喪志然癖好未克因之
稍減以畧讀欽定四庫全書總目
存目載針灸聚英五卷明高武撰
武之事蹟無可考是書則取經以
空穴類聚為一卷為病取穴治法
為一卷諸論針灸法為一卷為歌

賦之一表凡讀書與素問難經異
同者取其同而論其異故以聚其
書之。余心覺悸動于心急於以而讀
之以證其。源編。仿諸藏書家
莫之規也。則水東君。法。三。醫。志
志在法。通。醫。書。按。羅。越。富。曾。寬
以此書。余。淘。五。向。其。價。購。送。以。人
事。屬。涉。三。主。故。于。海。上。飛。鬼。家。

互託者在陳校先亦之也未有以
應又適九叔寓滬乃之託託其不
惜重金購求卒獲此孤本即託
與陳化謀而未得凡此一大經三
教人之力一再轉秘始為余有信
知物聚之所好不期然而然者於心
余求索惴惴未幾終如愿耳 書為
明刊至可寶貴檢圖未蒞者家目


錄罕見者載日本森立之按羅醫
籍富備無匹其書目至別為一類
大無此奉別希見可和矣馬以不什
繫藏之中華人民建國之十六年
端午五月一日成之氏記時年六十二

鍼灸聚英引

扁鵲有言疾在腠理熨燭之所及在血脉鍼石之所及
其在腸胃酒醪之所及是鍼灸藥三者得兼而後可與
言醫可與言醫者斯周官之十全者也漢武謬以活人
之術止於藥故棄鍼與灸而莫之講每遇傷熱入血室
閃挫諸疾非藥餌所能愈而必俟夫刺者則束手無策
自愧技窮因悟治病猶對壘攻守奇正量敵而應者將
之心鍼灸藥因病而施者醫之良也思得師指而艱其
人求之遠近以鍼鳴者各出編集標幽玉龍肘後流注
神應等書其於撚鍼補瀉尚戾越人從衛取氣從榮置
氣之說復取素難而研精之旁究諸家又知素難為醫
之鼻祖猶易為樸著求卦之原諸家醫流如以錢攤甲

子起卦勾陳玄武騰蛇龍虎斷吉凶似易而亂易也後世鍼灸亦若是爾嗚呼不溯其原則昧夫古人立法之善故嘗集節要一書矣不窮其流則不知後世變法之弊此聚英之所以纂也安故狃近者猶曰易窮則變變則通通則久是以詩變而騷君丁取之郡縣者封建之變租庸者井田之變後人因之固足以經國治世奚怪於鍼灸之變法哉奚是古非今爲哉豈知封建井田變而卒莫如周之延祚八百鍼灸變而卒莫如古之能收功十全如使弊法而可因則彼放蕩踰閑者可以爲禮以之安上治民妖淫愁怨者可以爲樂以之移風易俗哉夫易謂窮斯變通久素難者垂之萬世而無弊不可謂窮不容於變而自通且久也周子謂不復古禮不變

今樂而欲至治者遠然則不學古醫不變今俗而欲收十全之功者未之有也茲續編諸家而折衷以素難之旨夫然後前人之法今時之弊司命者知所去取矣時嘉靖己丑夏六月六日四明梅孤高武獻



一卷

仰人尺寸

伏人尺寸

中指寸法

五藏六府圖

手太陰經脉穴

手陽明經脉穴

足陽明經脉穴

足太陰經脉穴

手少陰經脉穴

手太陽經脉穴

足太陽經脉穴

足少陰經

手厥陰經脉穴

手少陽經脉穴

足少陽經脉穴

足厥陰經脉穴

奇經督脉穴

任脉穴

陽蹻脉穴

陰蹻脉穴

衝脉穴

陽維脉穴

陰維脉穴

帶脉穴

十五絡脉

十二原穴

五藏募穴

五藏俞穴

八會穴

井榮俞經原合

二卷

騎竹馬法

四花穴

冬勞法

取腎俞

寶氏八穴

子午流注膠穴開闔

藏府井榮俞經八主治

十二經是動所生病迎隨補瀉

東垣鍼法

治例傷寒

治例雜症

王機微義

三卷

鐵鍼

灸鍼

火鍼

溫鍼

折鍼

暈鍼

鍼灸傷

煖鍼

呼吸

補瀉

十四法

八法

四法

下鍼法

出鍼法

人身左右補瀉不同

男女血氣

古人不行鍼知鍼理

艾葉

艾炷大小

點艾火

壯數多少

阿是穴

治灸瘡令發

洗灸瘡

貼灸瘡

小兒戒逆灸

相天時

忌食物房勞

避人神

炷火

炷火先後

鍼灸避忌大乙圖

冬至叶蟄宮說

月內神人所

每月血支

每月血忌

十二支神人

十二時忌

十二部神人

九部旁通神人

新忌傍通

四季神人

胡侍郎秦過尻神指訣

十四經穴歌

十四經步穴歌

十二經脉歌

奇經八脉歌

流注指微賦

標幽賦

通玄指要賦

靈光賦

席弘賦

玉龍賦

攔江賦

肘後歌

百證賦

天元太乙歌

銅人指要賦

禁鍼穴歌

禁灸穴歌

行禁指要歌

補寫雪心歌

經脉交會八穴歌

十五絡穴歌

十二經脉晝夜流注歌

十二原穴歌

藏府七募穴歌

薛真人天星十一穴歌

八法八穴歌

西江月調

雜病十一穴歌

徐秋夫鬼病十三穴歌

回陽九鍼歌

四總穴歌

十干相生流注歌

十二經納天干歌

五子元建歌

周身血氣歌

脚不過膝手不過肘歌

生成數陰不過陽陽不過陰

刺法啓玄歌

提氣法歌

過關歌

流氣歌

納氣歌

提鍼歌

進鍼歌

龍虎交戰歌

龍虎飛騰歌

陽鍼男歌

陰城女歌

燒山火歌

透天涼歌

蒼龍擺尾歌

赤鳳搖頭歌

子午搗臼歌

梓岐風谷飛經走氣撮要金鍼賦

子午流注逐日按時定穴歌

孫真人十三鬼穴歌

八法手訣歌

八法飛騰定十干八卦歌三陰三陽歌

血忌歌

逐日人神歌

九宮屍神歌

大乙神人歌

附辯

總目畢

鍼灸聚英集用書目

難經

見節要

素問內經凡節要

子午經一卷論鍼灸之要撰成歌訣後人依托扁鵲者
銅人鍼灸圖三卷宋仁宗詔王維德考次鍼灸之法鑄
銅人爲式分府截十二經旁註俞穴所會刻題其名
并爲圖法并主療之術刻板傳於世夏竦爲序然其
窳穴比之靈樞本輸骨空等篇頗亦繁雜也

明堂鍼灸圖三卷題曰黃帝論人身俞穴及灼灸禁忌
曰明堂者謂雷公問道黃帝授之亦後人所依託者
存真圖一卷苑氏謂楊介編崇寧間泗州刑賊於市郡
守李夷行遣醫併畫工往親決膜摘膏盲曲折圖之

盡得纖悉介校以古書無少異者比歐希五藏圖過
之遠矣實有益醫家也王莽時捕得翟義黨王孫慶
使太醫尚方與巧屠共剝剝之量度五藏以竹筵道
其脉知所終始可以治病亦此意

膏盲灸法二卷清源莊綽季裕所集

千金方三十卷唐孫思邈所撰用藥之方診脉之訣鍼
灸之穴禁架之法至導引之要無不周悉曰千金者
以爲人命至重有貴千金一方濟之德愈於此議者
謂其未知傷寒之數

千金翼方三十卷孫思邈掇拾遺軼以羽翼其書首之
以藥錄次之以婦人傷寒小兒養性辟穀退居補益

雜瘡癰色脉鍼灸而禁術終焉

有數千百卷... 諸葛侯附以方書... 灼灸之法
九十一百四門天寶三... 守為... 大寧郡故名
外臺孫兆以毒謂鍼能教人不... 死人取灸而不
取鍼譏其為醫之蔽

金蘭循經元翰林學士忽泰必列所著其子光濟銓次
大德癸卯平江郡文學巖陵邵文龍為之序首繪巖
府前後二圖中述手足三陰三陽走屬繼取十四經
絡流注各為註釋列圖於後傳之北方自桓山董氏
鍼梓吳門傳者始廣自滑氏註十四經發揮而人始
燠其簡畧矣

濟生拔萃十九卷一卷取鍼經... 古雲岐

鍼法竇氏流注三卷鍼經摘英一鍼法以倣古制也

延祐間杜思敬所撰者

鍼經指南古肥竇漢卿所撰首標幽賦次定八穴指法

及叶齋宮圖頗於素問有不合者

鍼灸雜說建安竇桂芳類次取千金禁忌人及難合

真邪論未能曲盡鍼灸之少

資生經東嘉王執中叔權取三百六十六穴背面顛末行
分類別以穴屬病蓋合銅人千金明堂外臺而一之
者也

十四經發揮三卷許昌滑壽伯仁傳鍼法於東二萬河

湯得其開闔流注交別之要至若陰陽雜論卷六

經有繫屬而惟督任二經則包乎皆後百頁三六

諸經滿而溢者此則受之宜與十二經並論及靈樞
本篇所述經脉著十四經發揮通考選穴六百五十
有七而施治功以盡醫之神秘

鍼灸聚英凡例

一諸書於素問難經多異少同今取其同議其異故以聚英名

一此書以經絡竅穴類聚為一卷各病取穴治法為二卷諸論鍼灸法為三卷各歌賦為四卷間或發揮一

一周年尺寸已詳於前集素難節要今止繪圖各分寫於上以便準量取穴

一經絡俱屬於五藏六府今繪其圖於經絡之前者知外有是經則內屬是藏府也

一明堂鍼灸銅人千金翼諸書拘頭面腹手足分列膠穴殊無經絡起止次序今以滑氏十四經發揮金蘭

循經經絡繪圖每經自始至終某穴主某病以便攷究

資生經立諸病日以各竅穴分屬似難於閱今以各經竅穴爲主以主某病分屬之倣神農本草例以穴名在前藥性隨於後

各經竅穴或有原缺者仍舊

標幽王龍肘後諸歌賦今醫家皆謂其易於記誦然專事於此則鍼灸亦狹矣姑集於末卷以備參閱
竒經八脉十二絡脉八會脉原募穴雖備於本經絡復表章於後以便分別

前人著取穴捷法治病而不明言穴名者今攷明之

取穴法有未明者竊議一二

鍼灸書惟明堂同人千金濟生拔萃實氏流注子午
虛好其餘愈出愈下不合素問難經者多各附以發
擇

一東垣鍼法深得素問之旨人多忽之各書亦不能載
今於脾胃論中表章於此

一素難并榮俞經合主病人多不明五行生剋故不能
行今以諸經是動所生病補瀉生剋細爲裝定以便
鍼刺

各書有關於論鍼灸條錄于卷末


濟生拔萃於十二經并榮俞經合穴萃集各書主治
病證其餘窮穴則未之及故今做其例亦擇編入千
金明堂外塵而補輯之

一經絡悉依十四經發揮流注交接次第竅穴亦依之比之銅人等書有繁難空穴皆不增入

一各空穴下分寸鍼淺深艾壯多少俱備錄以便四時取用明堂經則曰明堂資生經則曰資生千金翼則曰千金明堂下經則曰明下或曰下經外臺秘要則曰外臺俱省文爾

一世俗喜歌賦以其便於記誦也今類聚各書歌賦置之末卷

五藏六府之圖



脊骨二十一節大椎三節至尾骶共二十四節

素問

肺附三推 心附五推 肝附九推 脾附十一推

腎附十四推

膈膜前齊鳩尾後齊十一椎周圍着脊所以遮膈濁氣不使上薰心肺也

胃在膈膜下小腸上 小腸在臍上 大腸當臍

膽在肝之短葉間 膀胱在腎下

俱難經

心藏神肺藏魄肝藏魂脾藏意腎藏志是為五藏


難經

胃大小腸三焦膀胱瀉而不藏受五藏濁氣名曰傳化之府此不能久留輸瀉者是為六府


五藏者藏精而不瀉也故滿而不實六府傳化而不藏故實而不能滿也所以然者以水穀入口則胃實而腸虛食

平則腸實而胃虛故曰實而不滿滿而不實也問

面銅人圖



背銅人



側銅人



太陽
少陽

手足陰陽流注

凡人兩手足各有三陰脉三陽脉以合爲十二經也

三陰謂大陰厥陰少陰三陽謂陽明太陽少陽也人兩手足各有三陰三陽脉合爲十二經也詳見脉訣謂之經者以血氣流行經常不息而言謂之脉者以血理分表行體者而言也

表音謀言相去也

手之三陰從臑走至手手之三陽從手走至頭足之三陰從頭走至足足之三陰從足走入腹

手三陰從臑走至手謂手太陰起中焦至出大指之端手少陰起心中至出小指之端手厥陰起胷中至出中指之端手三陽從手走至頭謂手陽明起大指之端至上挾鼻孔手太陽起小指之端至目內眥手少陽起小

指之端至目銳眦足三陽從頭走至足謂足陽明起於鼻至入中指內間足太陽起目內眦至小指外側端足少陽起目銳眦皆至入小指次指間足三陰從足入腹謂足太陰起大指之端至屬脾絡胃足少陰起足心至屬脾絡膀胱足厥陰起大指聚毛至屬肝絡膽○足三陰雖曰從足入腹然大陰乃復上膈挾咽散舌下少陰復從腎挾舌本厥陰乃復上出額與督脈會於巔無手太陰從肺系橫出腋下手少陰從心系上肺出腋下手厥陰循臂出脇上抵腋下此又秦越人所謂諸陰脈皆至頸胸而還者也然厥陰則又上出於巔蓋厥陰陰之盡者也所以然者示陰無可盡之理猶易之碩果不食示陽無可盡之義也然易之陰陽以氣言人之陰陽以藏

象言氣無形而藏象有質氣陽而質陰也然則無形者
貴乎陽有質者貴乎陰歟

脉絡傳注周流不息

絡脉者本經之旁支而别出以聯絡於十二經者也本
經之脉由絡脉而交他經傳注周流無停息也夫十二
經之有絡脉猶江漢之有沱潛也是以手太陰之支者
從臑後出次指端而交於陽明手陽明之支從缺盆上
秩口鼻而交於足陽明足陽明之支别跗上出大指端
而交於足太陰足太陰之支從臑從胃别上膈注心中
而交於手少陰手少陰則直本經少冲穴而交於手太
陽不假支授蓋若者出今者也手太陽之支從臑內左
右别下膈中下至小指外側端而交於足少陰足少陰

之支從肺出注胃中而交於手厥陰手厥陰之支從掌
中循小指次指出其端而交於手少陽手少陽之支從
耳後出至目銳眥而交於足少陽足少陽之支從肝別
貫膈上注肺而交於手太陽也

故經脉者行血氣通陰陽以榮於身也

通結上文以起下文之義經絡之流行不息所以運行
血氣流通陰陽以榮養於身者也不言絡脉者舉經以
該之

其始平旦從中焦注手太陽肺陽明時注此卯陽明注足陽

明胃辰時大陰脾巳時大陰注手少陰心午時太陽小腸

此注太陽注足太陽膀胱甲少陰腎酉時少陰注手心主厥

陰心包絡戌少陽三焦亥少陽注足少陽膽子時厥陰肝

此注厥陰復注手太陰寅時

始於中焦注手太陰終於注足厥陰是脉之行一周身也

其氣常以平旦為紀句以漏水下百刻晝夜流行與天同度終而復始也

氣營氣紀統紀也承上文而言經脉之行其始則起自中焦其氣則常以平旦為紀也營氣常以平旦寅時為紀由中焦而始注手太陰以次流行也不言血者言氣則血行可知漏水下百刻晝夜流行與天同度者言一晝夜漏下百刻之內人身之經脉流行無有窮止與天同一運行也蓋天以六百三十五度四分度之一為一周天而終一晝夜人之營衛則以五十度周於身氣行

一萬二千五百息脉行八百一十丈而終一晝夜適當
明日之寅時而復會于手太陰是與天同度終而復始
也或云晝夜漏刻有長短其營氣盈縮當何如然漏水
雖有長短之殊而五十度周身者均在其中不因漏刻
而有盈縮也



中指同身寸法

男左女右手中指第二節內延兩橫紋相去爲一寸取稻稈心量或用薄竹量則易折用蠟紙則粘手不便用繩則有伸縮不准用稻稈心則易得而有準

肺成



六葉
丙平

手大陰肺經



肺藏大腸
為府

肺重三斤三兩六葉兩耳凡八葉四垂如蓋附着於脊之

第三椎中有二十四空行列分布諸藏之氣為諸藏之華

蓋為華蓋者以其高於諸藏難經曰丁德用以木之脈脂

金者方一寸為一兩兩按椎節度量起於黃鍾古之一

西方白色入通於肺開竅於鼻藏精於肺故病在背其味

辛其類金其畜馬其穀稻其應四時上為太白星是以知

病之在皮毛也其音商其數九其臭腥其液涕

西方生燥燥生金金生辛辛生肺肺生皮毛皮毛生腎肺

主鼻其在天為燥在地為金在體為皮毛在藏為肺在色

為白在音為商在聲為哭在變動為咳在竅為鼻在味為

辛在志為憂憂傷肺肺憂執傷皮毛寒勝熱辛傷皮毛苦

勝辛味

膻中者臣使之官喜樂出焉

肺者氣之本魄之處也其華在毛其充在皮爲陽中之太

陽通於秋氣味

肺之合皮也其榮毛也其主心也○肺氣通鼻和則知

香臭矣味

肺氣虛則使人夢見白物見人斬血藉藉得時則夢見兵

刃血戰味

肺色白欲如鵝毛不欲如鹽味

肺白象金金得水而沉肺得水而浮何也肺者非爲純金

也辛商也丙之柔大言陰與陽小言夫與婦釋其微陰昏

而就火其意樂火又行陽道多故肺得水而浮也肺熱而

復沉者辛當歸庚物極則反也

肺氣絕則皮毛焦肺氣行於皮毛氣弗榮則皮毛焦皮毛焦則津液去津液去則皮節傷皮節傷則皮枯毛折毛折者則先毛死丙日篤丁日死

肺經

手太陰之脉起於中焦下絡大腸還循胃口上膈屬肺起發也絡繞也還復也循巡也又依沿也屬會也中焦者在胃脘當臍上四寸之分大腸註見本經胃口胃上下口也胃上口在臍上五寸上腕穴下口在臍上二寸下腕穴之分也膈隔也凡人心下有膈膜與脊脇周回相着所以遮隔濁氣不使上薰心肺也手太陰起中焦受足厥陰之交也由是循任脉之外足少陰經脉之裏以

次下行當臍上一寸水分穴之分繞絡大腸手太陰
明相為表裏也乃復行本經之外上循胃口迤邐而屬
會于肺榮氣有所歸於本藏也

從肺系橫出腋下游膈內行少陰心主之前下肘中

肺系謂喉嚨也喉以候氣下接於肺肩下脇上際曰腋
膈下對腋處為膈肩肘之間也膈盡處為肘肘臂節也
自肺藏循肺系出而橫行循胸部第四行之中府雲門
以出腋下游膈內歷天府俠白行手少陰心主之前
下入肘中抵尺澤穴也蓋手少陰循膈臂出手小指之
端手心主循膈臂出中指之端手太陰則行乎二經之
前也

循臂內上骨下廉入寸口上魚向循魚際出大指之端

肘以下為臂，廉隅也。邊也。手掌後高骨旁動脈為關關前動脈為寸口，曰魚曰魚際。云者謂掌骨之前大指本節之後其肥肉隆起處，統謂之魚。魚際則其間之穴名也。既下肘中乃循臂內上骨之下廉，歷孔最，列缺入寸口之經渠，太淵以上魚循魚際出大指之端，至少商穴而終也。端抄也。

其支者從腕後直出，次指內廉出其端。

臂骨盡處為腕脈之大隧，為經交經者為絡。本經終於出大指之端矣。此則從腕後列缺穴達次指內廉出其端而交於手陽明也。

是經多氣少血。○平旦寅時氣血注此。○受足厥陰之交。○九十一穴左右共二十二穴。○手之陰陽其

受氣之道近其氣之來疾刺深無過二分其留無過

一呼過此者則脫氣

中府一名雲門下一寸乳上三肋間動脈應手陷中去

中行六寸○肺之募募猶結募也言經氣聚此足大陰脾脈之會○

銅人鍼三分留五呼灸五壯壯人爲法也○主腹脹

四肢腫食不下喘氣胸滿有背痛嘔逆效逆上氣肺系

急肺寒熱胸悚慄膽熱嘔逆效噉濁涕風汗出皮痛面

腫少氣不得卧傷寒胸中熱飛尸遁疰癭瘤

雲門○巨骨下俠氣戶傍二寸陷中動脈應手舉臂取之

去胸中行任脈兩旁相去各六寸○素註鍼七分銅人

鍼三分不宜深深則使氣逆灸五壯○主傷寒四肢熱

不已欬逆短氣氣上衝心胸脇徹背痛痲痺肩背痛臂

不得舉瘰氣

天府○腋下三寸臂臑內廉動陷中以鼻取之○甲乙禁灸灸之使人逆氣銅人鍼四分留七呼素註留二呼銅人灸二十七壯至百壯資生云非大急不灸○主暴痺內逆肝脉相搏血溢鼻口鼻衄血不止卒中惡風邪氣泣出喜忘飛尸惡症屢語逆下喘不得息瘡寒熱目眩遠視眈眈瘰氣

夾白○天府下去肘五寸動脉中○銅人鍼三分灸五壯○主心痛短氣乾嘔煩滿

尺澤○肘中約紋上動脉中甄權云屈肘橫紋筋骨罅陷中手太陰肺脉所入爲合水肺實瀉之○素註鍼三分留三呼灸三壯明堂禁灸銅人灸五壯資生同素問刺

肘中內陷氣歸之爲不屈伸○主肩背痛汗出中風小便數而欠溺色變卒遺失無度面白善愛悲愁不樂欲哭洒淅寒熱風痺臍肘攣手臂不得舉候痺上氣嘔吐口舌乾效嗽唾濁疹瘡四肢腹暴腫臂寒短氣心痛肺脹膨膨缺盆中心煩悶亂少氣不足以息勞熱風汗出中風小便數而欠上氣喘滿腰脊強痛肺積息奔小兒慢驚風

孔最○去腕上七寸○銅人灸五壯鍼三分○主熱病汗不出效逆肘臂厥痛屈伸難手不及頭指不握吐血失音咽腫頭痛

列缺○手太陰絡別走陽明○去腕側上一寸五分滑氏曰以手交叉頭食指末筋鐻中○銅人鍼二分留三呼

瀉五吸灸三壯明堂鍼三分日灸七壯至七七壯○王
偏風口面喎斜手肘無力半身不遂掌中熱口禁不開
寒熱瘧嘔沫噉嗽善笑縱唇口健忘溺血精出陰莖痛
小便執癰驚妄見面目四肢癱腫肩痺胸背寒慄少氣
不足以息尸厥寒厥交兩手而發實則胸背熱汗出四
肢暴腫虛則胸背寒慄少氣不足以息

○素問云實則手銳掌熱瀉之虛則欠故小便遺補之

按素問曰直行者謂之經旁出者謂之絡手太陰之
支從腕後直出次指內廉出其端是列缺爲太陰別
走陽明之絡人或寸關尺三部脈不見自列缺至
陽谿脈見者俗謂之反關脈此經脈虛而絡脈滿千
金翼謂陽脈逆反大於寸口三倍惜哉和尚未之及

而况高陽生哉

經渠○寸口陷中○肺脉所行為經金○素註鍼三分銅
人鍼一分留三呼禁灸傷人神明○主癰寒熱胸背
拘急胸滿膨膨喉痺掌中熱數逆上氣數欠傷寒熱病
汗不出暴痺喘促心痛嘔吐

太淵

一名太泉
迎磨祖

○掌後陷中肺脉所注為俞土肺虛補之

○難經曰脉會太淵疏曰脉病治此○平旦寅時氣血

從此始故曰寸口者脉之大要會手太陰之動脉也○

銅人灸三壯鍼一分素註鍼二分留一呼灸三壯○主

胸痺逆氣善噦嘔飲水欬嗽煩寃不得眠肺脹膨膨臂

內廉痛目生白翳眼背赤筋眼痛眼青轉筋乍寒乍熱

缺盆中引痛掌中熱數欠有背痛寒喘不得息噫氣上

逆心痛脉瀉咳血嘔血振寒咽乾狂言口噤溺色變卒
遺失無度

魚際○大指本節後內側陷中又云散脉中肺脉所留爲
榮火○銅人鍼一分留三呼明堂素註鍼二灸三吐素
素問刺手魚腹內陷爲腫○主酒病惡風寒虛熱舌上
黃身熱頭痛咳嗽噎傷寒汗不出痺走胸背痛不得息
目眩煩心少氣腹痛不下食肘攣肢滿喉中乾燥寒慄
鼓頷效引尻痛溺出嘔血心痺悲恐乳癰○東垣曰胃
氣下溜五藏氣亂皆在於肺者取之手太陰魚際足少
陰俞

少商○大指端內側去爪甲角如韭葉白肉際宛宛中肺
脉所出爲井木○銅人鍼一分留三呼瀉五吸不宜灸

素註留一呼明下灸三壯甲乙灸一壯○主頷腫喉閉
煩心善嘔嘔心下滿汗出而寒效逆痰瘧振寒腹滿唾
沫唇乾引飲食不下膨膨手攣指痛掌執寒慄鼓頷喉
中鳴小兒乳鵝○唐刺史成君綽勿領腫大如升喉中
閉塞水粒不下三日甄權以三稜鍼刺之微出血立愈
洩成熱也

按難經曰諸井者肌肉淺薄不足爲使也刺井者當
刺榮甄權寫井而療喉痺杜寶善類聚井穴主治病
證者難經曰井主心下滿又曰春刺井蓋並行而不
悖也


或問素問註銅人明堂千金諸書於膠穴有宜鍼灸
有禁鍼灸刺淺刺深艾壯多寡不同將孰從哉武曰

一穴而有宜鍼禁鍼宜灸禁灸者有病勢輕重緩急
病輕勢緩者當別用一主治穴以代之若病勢重急
倘非此穴不可療當用此一穴若諸書皆禁鍼灸則
斷不可用矣鍼淺深艾多少則以素問十二經淺深
刺法為主諸書相參互用之不可偏廢也經曰春夏
刺淺秋冬刺深肥人刺深瘦人刺淺故在春夏與瘦
人當從淺刺秋冬與肥人當從刺深又曰陷下則灸
之陷下不甚者灸當從少陷下甚者灸當從多又寒
涼之月火氣衰灸當從多溫暑之月火氣旺灸當從
少又肌肉淺薄竅穴刺淺艾少肌肉深厚竅穴刺深
艾多又春與夏不同秋與冬不同肥瘦有適中者有
過肥而壅腫者有大瘦而骨立者以意消息不可執

一論也又大人與小兒刺淺深艾多少不同又人頭
面及小兒宜毫鍼艾炷如小麥也

大腸肺之府

大腸上口小
腸下口也



大腸下接
直腸在腸
下爲肛門
穀道即後
陰也

大腸重二斤十二兩長二丈一尺廣四寸徑一寸當臍右
迴十六曲盛穀一斗水七升半○大腸者傳道之官變
化出焉○大腸爲白腸俱兼

五藏各有所司腑皆相近而心肺獨去大腸小腸遠者
何也然經言心榮脉衛通行陽氣故居在上大腸小腸
傳陰氣而下故居在下所以相去而遠也
食下則腸實而胃虛故曰實而不滿滿而不實

大腸陽明經穴

手陽明之脉起於大指次指之端循指上廉出合谷兩骨
之間上入兩筋之中大指之次指謂食指也手陽明大
腸經也凡經脉之道陰脉行手足之裏陽脉行手足之
表此經起於大指次指之端商陽穴受手太陰之交行

於陽之分也。由是循指之上，廉歷三間以出，合谷兩骨之間，上入陽谿，兩筋之中。

循臂上廉入肘外廉，上循臑外前廉，上有

自陽谿而上循臂上廉之偏，歷溫溜，下廉，上廉，三里，入肘外廉之曲池，循臑外前廉，歷肘膠，五里，臂臑，絡臑，會上，有至有髃穴也。

出髃骨之前廉，上出柱骨之會。

髃骨

有端兩骨間為髃骨，有臑上際會處為天柱骨，出髃骨前廉，循巨骨穴，上出柱骨之會，上會於大椎。

下入缺盆，絡肺，下膈，屬大腸。

自大椎而下入缺盆，循足陽明經，脈外絡繞肺，臑復下膈，當天樞之分，會屬於大腸也。

其支別者從缺盆上頸貫頰入下齒縫中

頭莖爲頰耳以下曲處爲頰口前小者爲蓋其支別者自缺盆上行於頸循天鼎扶突上貫於頰入下齒縫中

選出挾口交人中左之右右之左上挾鼻孔

唇口上鼻下爲人中既入齒縫復出夾兩口吻相交於中之分左脉之右右脉之左上挾鼻孔循未膠迎香而終以交於足陽明也

是經氣血俱多○卵時氣血注此○受手太陰之交○凡二十六穴左右共四十六穴○手之陰陽其受氣之道近其氣之來疾刺深無過二分其留無過一呼過此者則脫氣

商陽

一名

○手大指次指內側去爪甲角如韭葉手陽明

大腸脉所出爲井金○銅人灸三壯鍼一分留一呼○
主胸中氣滿喘欬支腫熱病汗不出耳鳴耳聾寒熱瘡
瘡口乾頤頰腫滿惡寒肩背急相引缺盆中痛目青
盲灸三壯左取右右取左如食頃立已

二間

一名谷

○食指本節前內側陷中手陽明大腸脉所溜

爲榮水大腸實瀉之○銅人鍼三分留六呼灸三壯○

主喉痺頰頰腫肩背膈痛振寒鼻衄衄血多驚齒痛目

黃口乾口喎急食不通傷寒水結○東垣曰氣在於臂

足取之先去血脉後深取陽明少陰之榮俞二間三間

三間

一名少谷

○食指本節後內側陷中手陽明大腸脉所注

爲俞木○銅人鍼三分留三呼灸三壯○主喉痺咽中

如梗下齒齲痛嗜卧胸腹滿腸鳴洞泄寒熱瘡唇焦口

乾氣喘目皆急痛吐舌戾頸喜驚多唾急食不通傷寒
氣熱身寒結水

合谷

一名虎口

○手大指次指岐骨間陷中手陽明大腸脉所

過爲原虛實皆拔之○銅人鍼三分留六呼灸三壯○

主傷寒大渴脉浮在表發熱惡寒頭痛脊強無汗寒熱

瘡鼻衄不止熱病汗不出目視不明生白翳頭痛下齒

齲耳聾喉痺面腫唇吻不收瘡不能言口噤不開偏風

風癰痂疥偏正頭痛腰脊內引痛小兒單乳鵝○按合

谷婦人妊娠可瀉不可補補即墮胎詳見足太陰脾經

三陰交下

陽谿

一名中魁

○腕中上側兩筋間陷中手陽明大腸脉所行

爲經火○銅人鍼三分留七呼灸三壯○主狂言喜笑

見鬼熱病煩心目風赤爛有翳厥逆頭痛胸滿不得息
寒熱瘧疾寒嗽嘔沫喉痺耳鳴耳聾驚掣肘臂不舉痲
疥

偏歷○腕中後三寸手陽明絡脉別走太陰○銅人鍼三
分留七呼灸三壯明下灸五壯○主肩臂肘腕痠疼眩
目眦眦痛鼻衄寒熱瘧疾多言咽喉乾喉痺耳鳴
風汗不出利小便○實則齧導瀉之虛則齒寒痺鬲補
之

溫溜

名逆注
名逆頭

○腕後大士五寸小士六寸明堂在腕後

五寸六寸間○銅人鍼三分灸三壯○主腸鳴而痛傷
寒噦逆噫鬲中氣閉寒熱頭痛喜笑狂言見鬼吐涎沫
風逆四肢腫吐舌口舌痛喉痺

下廡○輔骨下去上廡一寸輔銳肉分外○銅人斜鍼五分留二呼灸三壯○主飧泄勞瘵小腹滿小便黃便血狂言偏風熱風冷痺不遂風濕痺小腸氣不足面無顏色痰癖腹痛若刀刺不可忍飧泄腹脇痛滿狂走夾臍痛食不化喘息不能行唇乾涎出乳癰

上廡○三里下一寸其分獨抵陽明之會外○銅人斜鍼五分灸五壯○主小便難黃赤腸鳴胸痛偏風半身不遂骨髓冷手足不仁喘息大腸氣腦風頭痛

三里一名手三里○曲池下二寸按之肉起銳肉之端○銅人灸三壯鍼二分○主霍亂遺失失音氣齒痛頰腫瘰癧手臂不仁肘掣不伸中風口噤手足不隨

曲池○肘外輔骨屈肘兩骨中以手拱胸取之手陽明

腸脉所入爲合土○素註鍼五分留七呼銅入鍼七分
得氣先瀉後補之灸三壯明堂日灸七壯至二百壯且
停十餘日更下止二百○主繞踝風手臂紅腫肘中痛
偏風半身不遂惡風邪氣泣出喜忘風應癱喉痺不能
言胸中煩滿臂疼痛筋緩捉物不得挽弓不開屈伸
難風痺肘細無力傷寒餘熱不盡皮膚乾燥癢癢癩疾
舉體痛癢如虫啣皮脫作瘡皮膚如疥婦人經脉不通
肘膠○大骨外廉陷中○銅入灸三壯鍼三分○主風勞
嗜臥臂痛不舉肩重腋急肘臂麻木不仁

五里○肘上三寸行向裏大脉中央○銅入灸十壯素問
大禁鍼○主風勞驚恐吐血欬嗽肘臂痛嗜臥四肢不
得動心下脹滿上氣身黃時有微熱瘰癧

臂臑○肘上七寸腓肉端有髃下一寸兩筋兩骨罅陷宛
宛中平手取之手陽明絡手足太陽陽維之會○銅人
灸三壯鍼三分明堂宜灸不宜鍼日灸七壯至二百壯
若鍼不得過三五分○主臂細無力臂痛不得向頭瘰
癧頸項拘急

肩髃

一名中肩井
一名偏肩

○膊骨頭肩端上兩骨罅間陷者宛宛

中舉臂取之有空足少陽陽蹻之會○銅人灸七壯至
二七壯以差爲度若灸偏風灸七七壯不宜多恐手臂
細若風病筋骨無力久不差灸不畏細刺即泄肩臂執
氣明堂鍼八分留二呼瀉五吸灸不及鍼以平手取其
穴灸七壯增至二七素註鍼一寸灸五壯又云鍼六分
留六呼○主中風手足不隨偏風風痲風痺風病半身

不遂熱風有中熱頭不可回顧有臂疼痛臂無力手不可向頭攣急風熱癰瘰顏色枯焦勞氣泄精傷寒熱不已四肢熱諸癰氣○唐魯州刺史庫狄欽風痺不得挽弓甄權使欽發弓矢向棚立鍼肩髃鍼進即可射

巨骨○肩尖端上行兩叉骨罅間陷中手陽明陽蹻之會○銅人灸五壯鍼一寸半明堂灸三壯至七壯素註禁鍼鍼則倒懸一食頃乃得下鍼鍼四分瀉之勿補鍼出始得正臥明下灸三壯○主驚瀾破心吐血臂膊痛胸中有瘀血肩臂不得屈伸

天鼎○頸缺盆上直扶突後一寸○素註鍼四分銅人灸三壯鍼三分明堂灸七壯○主喉痺壅腫不得食飲食不下喉鳴

扶突

水穴名

○氣舍後一十五分在頸當曲頰下一寸入迎

後一十五分仰而取之○銅人灸三壯鍼三分素註鍼

四分○咳嗽多唾上氣咽引喘息喉中如水鷄聲暴瘖

氣硬

禾筭

長

○鼻孔下夾水溝旁五分○銅人鍼三分灸三壯

○主尸厥及口不可開鼻瘡息肉鼻塞不聞香臭執衄

迎香○禾筭上一寸鼻下孔旁五分手陽明足陽明之會


○銅人鍼三分留三呼不宜灸○主鼻塞不聞香臭偏

風口喎面癢浮腫風動葉葉狀如虫行唇腫痛喘息不


利鼻喎多涕執衄有瘡鼻有息肉

胃

食積



胃
口



胃重二斤一兩大一尺五寸長二尺六寸徑五寸紆曲屈伸盛穀二斗水一斗五升○胃者倉廩之官五味出焉○胃爲黃腸○五味入口藏於胃以養五藏氣胃者水穀之海六府之大原也是以五藏六府之氣味皆出於胃水穀入口則胃實而腸虛

食氣入胃散精於肝淫氣於筋

食氣入胃濁氣歸心淫精於脉脉氣流經經氣歸於肺肺朝百脉輸精於皮毛毛脉合精行氣於府府精神明留於四藏氣歸于權衡權衡以平氣口成寸以決死生

飲食入胃遊溢精氣上輸於脾脾氣散精上歸於肺通調水道下輸膀胱水精四布五經並行合於四時五藏陰陽揆度以爲常也

人胃中常有留穀二斗古十非今之比水一斗五升故平
人日再至圍一行二升半日中五升七日五七三斗五升
而水穀盡矣故平人不食七日死也

東垣曰飲食勞倦內傷脾胃則胃脘之陽不能升舉并
心肺之氣陷入中焦用補中益氣湯又曰胃中元氣盛
多食不傷過時不飢胃火盛則多食易飢能食而大便
溼者胃熱善消脾病不化也又曰脾胃不和九竅不通

足陽明經穴

足陽明之脉起於鼻交頰中旁約太陽之脉下循鼻外上
入齒中還出挾口環唇下交承漿

頰鼻莖也鼻山根為頰足陽明起於鼻兩旁迎香穴由
是而上左右相交於頰中過精明之分下循鼻外歷承

泣四白巨髻入上齒中復出循地倉挾口兩吻環繞唇
下左右相交於承漿之分也

卻循額後下廉出大迎循頰車上耳前過客主人循髮際

至額顛

顛下為領領中為頤頤前為髮際髮際前為額顛自承
漿卻循頤後下廉出大迎循頰車上耳前歷下關過客
主人循髮際行懸釐額厭之分經頭維會于額顛之神
庭

其支別者從大迎前下人迎循喉龍入缺盆下屬胃絡
脾

胸兩傍高處為膺膺上橫骨為巨骨巨骨上陷中為缺
盆其支別者從大迎前下人迎循喉龍歷水突氣合入

缺盆行足少陰俞府之外下膈當上腕中腕之分屬胃

絡脾

其直行者從缺盆下乳內廉挾臍入氣沖中

直行者從缺盆而下乳內廉循氣戶庫房屋翳胸臑
乳中乳根不容承滿梁門關門太乙滑肉門下挾臍歷
天樞外陵大巨水道歸來諸穴而入氣沖中也

其支者起胃下口循腹裏下至氣沖而合

胃下口下腕之分難經云太倉下口爲幽門者是也自
屬胃處起胃下口循腹裏過足少陰盲膻之外本經之
裏下至氣沖中與前之入氣衝者合

以下脾關抵伏菟下入臍臍中下循筋外廉下足跗入中

指外間

抵至也。股內爲髀，髀前膝上起肉處爲伏兔。伏兔後交又爲髀關，挾膝筋中爲臄，臄骨爲筋，跗足面也。既相合，氣衝中，乃下脾關，抵伏兔，歷陰市，梁丘，下入臄臄中，經臄鼻，下循跗之冲陽，陷谷，入中指外間之內庭，至厲兌穴而終也。其支者，下膝三寸而別，以下入中指外間。

此支自膝下三寸循三里穴之外，別下歷上廉，條口，下廉，豐隆，解谿，冲陽，陷谷，以至內庭，厲兌而合也。

其支者，別跗上入大指間，出其端。

此支自跗上冲陽穴，別行入大指間，斜出足厥陰行間穴之外，循大指下，出其端，以交於太陰。

此經多血多氣。○辰時氣血注此。○受手陽明之交。○九四十五穴，左右共九十穴。○足陽明五藏六府。

之海也其脉大血多氣盛壯熱不深不散不留不瀉
刺深六分留六呼

承泣○目下七分直瞳子陷中陽蹻脉任脉胃脉之會○
銅人灸三壯禁鍼鍼之令人目烏色明堂鍼四分于不
宜灸灸後令人目下大如拳息肉日加如桃至三十日
定不見物資生云當不灸不鍼○東垣曰魏邦彥夫人
目睛自下侵上者自陽明來也○主目冷淚出上觀瞳
子痺遠視眵眵昏夜無見目睛動與項口相引口眼喎
斜口不能言而葉葉牽動張赤痛耳鳴耳聾

四白○目下一寸直瞳子令病人正視取之○素註鍼四
分甲乙銅人灸七壯鍼三分凡用鍼穩當方得下鍼刺
太深令人目烏色○主頭痛目眩目赤痛僻淚不明目

痒目膚翳口眼喎僻不能言

巨筭○挾鼻孔旁八分直瞳子平水溝驕脉足陽明之會
○銅人鍼三分得氣即瀉灸七壯明下灸七七壯○主
瘈瘲唇頰腫痛口喎僻目障無見青盲無見遠視眵眵
淫膚白膜翳覆瞳子面風鼻頰腫癰痛招搖視瞻脚氣
膝腫

地倉○夾口吻旁四分外如近下有脉微動手足陽明任
驕脉之會○銅人鍼三分明堂三分半留五呼得氣即
瀉日可灸二七壯重者七七壯炷如粗釵股脚大炷若
大口轉喎灸承漿七七壯即愈○主偏風口喎目不得
閉脚腫失音不語飲水不收水漿漏落眼瞶動不止瞳
子痒遠視眵眵昏夜無見○病左治右病右治左宜頻

鍼灸以取盡風氣口眼喎斜者以正爲度

大迎○曲頷前一寸三分骨陷中動脈又以口下當兩眉是穴○素註鍼三分留七呼灸三壯○主風瘖口瘖瘖口噤不開唇吻動頰腫牙疼寒熱頸痛癩癰舌強舌緩不收不能言目痛不得閉

頰車

一名機關
一名曲牙

○耳下曲頰端近前陷中開口有空○銅

人鍼四分得氣即寫日灸七壯止七七壯明堂灸三壯素註鍼三分○主中風牙關不開口噤不語失音牙關痛頰頰腫牙不可嚼物頸強不得回顧口眼喎

下關○客主人下耳前動脈下廉台口有空開口則閉閉口有穴足陽明少陽之會○素註鍼三分留七呼灸三壯銅人鍼四分得氣即寫禁又不得久留鍼鍼經云

刺之則欠不能故耳中有乾暍摘之不得灸○主失欠
牙車脫白目眩齒痛偏風口眼喎斜耳鳴耳聾耳痛膿
汁虫

頭維○額角入髮際本神旁一寸五分神庭旁四寸五分
足少陽陽明二脉之會○銅人鍼三分素註鍼五分禁
灸○主頭痛如破目痛如脫目瞶目風淚出偏風視物
不明

人迎一名五會○頸大脉動應手夾結喉兩旁一寸五分仰而
取之以候五藏氣足陽明少陽之會○滑氏曰古以夾
喉兩旁爲氣口人迎至晉王叔和直以左右手寸口爲
人迎氣口○銅人禁鍼明堂鍼四分素註刺過深殺人
○主吐逆霍亂胸中滿喘乎不得息咽嗑腫瘰癧

水突

水門名

○頸大筋前直入迎下氣舍上○銅人鍼三分

灸三壯

○主效逆上氣咽喉癰腫呼吸短氣喘息不得

卧

氣舍○頸直入迎下夾天突陷中○銅人灸五壯鍼三分

○主效逆上氣肩腫不得顧喉痺哽噎腫不消食飲

不下瘦癯

缺盆

尺名

○肩下橫骨陷中○銅人灸三壯鍼三分素註

鍼二分留七呼不宜大深深則使人逆息素問刺缺中

內陷氣泄令人喘嗽○主息奔胸滿喘急水腫癰癧喉

痺汗出寒熱缺盆中腫外癢則生胸中熱滿傷寒胸中

熱不已

氣戶○巨骨下俞府兩旁各二寸陷中仰而取之去中行

各四寸去膺窓四寸八分○銅人鍼三分灸五壯○主
欬逆上氣胸背痛欬逆不得息不知味欬嗽胸脇支滿
喘急

庫房○氣戶下一寸六分陷中去中行各四寸仰而取之
○銅人灸五壯鍼三分○主胸脇滿欬逆上氣呼吸不
至息唾膿血濁沫

屋翳○庫房下一寸六分陷中氣戶下三寸二分去中行
各四寸巨骨下四寸八分仰而取之○素註鍼四分銅
人灸五壯鍼二分○主欬逆上氣唾血多濁沫膿血痰
飲身體腫皮膚痛不可近不禁衣淫灑糜癢不仁

膺窓○屋翳下一寸六分陷中去中行各四寸○銅人鍼
四分灸五壯○主胸滿短氣不得卧腸鳴注泄乳癰寒

執

乳中○當乳中是○銅人微刺三分禁灸灸則不幸生蝕
瘡瘡中有膿血清汁可治瘡中有息肉若蝕瘡者死素
問云刺乳上中乳房為腫根蝕○丹溪曰乳房陽明胃
所經乳頭厥陰肝所屬乳_夫子之母不知調養忿怒所
逆鬱悶所遏厚味所釀以致厥陰之氣不行竅不得通
汁不得出陽明也血沸騰熱甚化膿亦有所乳之子膈
有滯痰口氣煖熱含乳而睡熱氣所吹遂生結核初起
時便須忍痛揉令稍軟吃令汁透自可消散失此不治
必成癰癤若加以艾火兩三壯其效尤捷粗工使用鍼
刀卒惹拙病若夫不得夫與舅姑憂怒鬱悶脾氣消阻
肝氣橫逆遂成結核如燕子不痛不癢十數年後為瘡

陷名曰奶岩以此瘡形如嵌凹似岩穴也不可治矣若
於始生之際便能消息病根使心清神安然後施治亦
有可安之理

乳根○乳中下一寸六分陷中去中行各四寸仰而取之
○銅人灸五壯鍼三分素註鍼四分灸三壯○主胸下
滿悶胸痛鬲氣不下食噎病臂痛腫乳痛乳癰凄凄寒
熱痛不可按欬逆霍亂轉筋四厥

不容○幽門旁相去各一寸五分去中行任脈各三寸上
腕兩旁各一寸直四肋間○銅人灸五壯明堂三壯鍼
五分素註鍼八分○主腹滿瘕癖唾血有腸痛口乾心
痛與背相引不可欬欬則引有痛嗽喘疝瘕不嗜食腹
虛鳴嘔吐痰癖

承滿○不容下一寸去中行各三寸○銅人鍼三分灸五
壯明堂三壯○主腸鳴腹脹上氣喘逆食飲不下有息
唾血

梁門○承滿下一寸去中行各三寸銅人鍼二分灸五壯
○主腸下積氣食飲不思大腸滑泄完穀不化

關門○梁門下一寸去中行各三寸○銅人鍼八分灸五
壯○主善滿積氣腸鳴卒痛泄利不欲食腹中氣走扶
急痛身腫痰癢振寒遺溺

太乙○關門下一寸去中行各三寸○銅人灸五壯鍼八
分○主心煩癲狂吐舌

滑肉門○太乙下一寸去夾臍下一寸至天樞去中行各
三寸○銅人灸五壯鍼八分○主癲狂嘔逆吐血重

舌強

天樞

一名長壽
一名穀門

○去盲俞半寸夾臍中兩傍各二寸陷中

大腸之募

○銅人灸五壯濟生按莘灸百壯鍼五分留

十呼千金云覓魄之舍不可鍼素註鍼五分留七呼○

主奔豚泄瀉脹疝赤白痢水痢不止食不下水腫腹脹

腸鳴上氣冲胃不能久立久積冷氣繞臍切痛時上冲

心煩滿嘔吐霍亂冬月感寒泄利瘡寒熱狂言傷寒飲

水過多腹脹氣喘婦人女子癥瘕血結成塊漏下赤白

月事不時

外陵○天樞下一寸去中行各二寸素註一寸半○銅人

灸五壯鍼三分

鍼八分○主腹痛心下如懸下引

臍痛

大巨○外陵下一寸天樞下二寸素註一寸去中行各二寸素註作一寸半○銅人鍼五分灸五壯素註鍼八分○主小腹脹滿煩渴小便難瀆疝偏枯四肢不收驚悸不眠

水道○大巨下二寸素註三寸去中行各二寸○銅人灸五壯鍼三分半素註鍼二分半○主肩背痠疼三焦膀胱腎中熱氣婦人小腹脹滿痛引陰中月水至則腰背痛胞中瘕子門寒大小便不通

歸來○水道下二寸素註三十去中行各二寸○銅人灸五壯鍼五分素註鍼八分○主奔豚卵上入腹引莖中痛婦人血臟積冷

氣衝氣衝歸來下素註腹下來臍相去四寸鼠鼯上一寸

動脈應手宛宛中衝脈所起○銅人灸七壯禁鍼素問
刺中脈血不出爲腫鼠僕明堂鍼三分留七呼氣至即
瀉灸三壯○主腹滿不得正卧癩疝大腸中熱身熱腹
痛大氣石水陰痿莖痛兩丸寒痛小腹奔豚腹有逆氣
上攻心腹脹滿上搶心痛不得息腰痛不得俛仰淫瀝
傷寒胃中熱婦人無子小腹痛月水不利妊娘子衝
心字難包衣不出○東垣曰脾胃虛弱感濕成痿汗大
泄妨食三里氣街以三稜鍼出血又曰吐血多不愈以
三稜鍼於氣街出血立愈

脾關○膝上伏菟後交分中○銅人鍼六分灸三壯○主
腰痛足麻木膝寒不仁痿痺股內筋絡急不屈伸小腹
引喉痛

伏菟○膝上六寸起肉正跪坐而取之一云膝蓋上七寸
以左右各三指按捺上有肉起如菟之狀因以此名○
此事難知定癰疽死地分有九伏菟居一劉宗厚曰脉
絡所會也○主膝冷不得溫風勞痺逆狂邪手攣縮身
應疹腹脹少氣頭重脚氣婦人八部諸疾

陰市

一名陰市

膝上三寸伏菟下陷中拜而取之○銅人鍼三

分禁灸明堂灸三壯○主腰脚如冷水膝寒痿痺不仁
不屈伸卒寒疝力痿小氣小腹痛脹滿脚氣脚以下伏
菟上寒消渴

梁丘○膝上二寸兩筋間○銅人灸三壯鍼三分明堂鍼
五分○膝脚腰痛冷痺不仁難跪不可屈伸足寒大驚

乳腫痛

犢鼻○膝膕下脣骨上俠解大筋陷中形如牛鼻故名○
素註鍼六分銅人鍼三分灸三壯素問刺犢鼻出液為
跛○主膝中痛不仁難跪起脚氣膝膕腫○膝膕腫潰
者不可治不瘡可治若犢鼻堅硬不便攻先洗熨微刺
之愈

三里○膝下三寸脣骨外廉大筋內宛宛中兩筋肉分間
舉足取之極重按之則趺上動脈止矣又云犢鼻三寸
足陽明胃脈所入為合土○素註刺一寸留一呼灸三
壯銅人灸三壯鍼五分明堂鍼八分留十呼瀉七吸日
灸七壯止百壯素註刺一寸千金灸五百壯少亦一二
百壯○主胃中寒心膈脹滿腸鳴臑氣虛憊真氣不足
腹痛食不下大便不通心悶不已卒心痛腹有逆氣上

攻腰痛不得俯仰少腸氣水氣蠱毒鬼擊痲痺四肢滿

膝筋痠痛目不明產婦血暈不省人事○秦承祖云諸

病皆治華佗云主五勞羸瘦七傷虛乏胸中瘀血乳癰

○千金翼云主腹中寒脹滿腸中雷鳴氣上冲胸喘不

能久立腹痛胸腹中瘀血小腹脹皮腫陰氣不足小腹

堅傷寒熱不已熱病汗不出喜嘔口苦壯熱身反折口

噤鼓頷腫痛不可回顧顧而有所見喜悲上下求之口

噤乳腫喉痺不能言胃氣不足久泄利食不化腸下支

滿不能久立膝痠寒熱中消穀苦飢腹熱身煩狂言乳

癰喜噫惡聞食臭狂歌妄笑恐怒大罵霍亂遺尿失氣

陽厥淒淒惡寒頭眩小便不利喜噦脚氣○外臺秘要

云人年三十已上若不灸三里令人氣上冲目○東垣

曰飲食失節及勞役形質陰火乘於坤土之中致穀氣榮氣清氣胃氣元氣不得上升滋於六腑之陽氣是五陽之氣先絕於外外者天也下流入於坤土陰火之中皆由喜怒哀憂恐爲五賊所傷而後胃氣不行勞役飲食不節繼之則元氣乃傷當於胃合三里穴中推而揚之以伸元氣又曰氣在於腸胃者取之足太陰陽明不下者取之三里又曰氣逆霍亂者取三里氣下乃止不下復始又曰胃病者胃脘當心而痛上支兩脇鬲噎不通飲食不下取三里以補之脾胃虛弱感濕成痿汗大泄妨食二里氣衝以三稜鍼出血若汗不減不止者於二里穴下三寸上蒸出血禁酒濕麵又曰六淫客邪及上熱下寒筋骨皮肉血脉之病錯取於胃之合三里大

危○又曰有人年少氣弱常於三里氣海灸之節次約五七十壯至年老熱厥頭痛雖大寒猶喜風寒痛愈惡煖處見烟火皆灸之過也

巨虛上廉

一名上巨虛

三里下三寸舉足取之足陽明胃合手

陽明大腸○銅人灸三壯鍼三分甄權隨年為壯明堂鍼八分得氣即寫灸日七壯下至三壯○主歲氣不足偏風脚氣腰腿手足不仁脚脛痠痛屈伸難不能久立風水膝腫骨髓冷疼大腸冷食不化飧洩勞瘵夾臍腹脇痛腸中切痛雷鳴氣上衝胸喘息不能行不能久立傷寒胃中熱○東垣曰脾胃虛弱濕痿汗泄妨食三里氣衝出血不愈於上廉出血

條口○下廉上一寸舉足取之○銅人鍼五分明堂八分

灸三壯○主足麻木風卧足下熱不能久立足寒膝痛
脛寒濕痺脚痛胛腫轉筋足緩不收

巨虛下廉

巨虛下廉

上廉下三寸蹲地舉足取之足陽明胃

與手太陽小腸合○銅人鍼八分灸三壯素註鍼三分
明堂鍼六分得氣即瀉甲乙灸日七七壯○主小腸氣
不足面無顏色偏風腿痿足不履地熱風冷痺不遂風
濕痺痲痺脚氣不足沉重唇乾涎出不覺不得汗出毛
髮焦內脫傷寒胃中熱不嗜食洩膿血胸脇小腹控辜
而痛特窘之後當耳前熱若寒甚若獨肩有上熱甚及小
指次指之間熱痛暴驚狂言語非常女子乳癰足跗不
收跟痛

豐隆○外踝上八寸下筋外廉陷中足陽明絡別走太陰

○銅人鍼三分灸三壯明下七壯○主厥逆大小便難
怠惰腿膝痠屈伸難胸痛如刺腹若刀切痛風痰頭痛
風逆四肢腫足清身寒濕喉痺不能言登高而歌棄衣
而走見鬼好笑○氣逆則喉痺卒瘡實則癲狂瀉之虛
則足不收脛枯補之

解谿○衝陽後一寸五分腕上陷中足大指次指直上跗
上陷者宛宛中足陽明胃脉所行為經火胃虛補之○
銅人灸三壯鍼五分留三呼○主風面浮腫頰黑厥氣
上衝腹脹大便下重瘕驚膝股胣腫轉筋目眩頭痛癲
疾煩心悲泣霍亂頭風面赤目赤眉攢疼不可忍

衝陽○足跗上五寸去陷谷三寸骨間動脉足陽明胃脉
所過為原胃虛實皆按之素註鍼三分留十呼素問刺

足跗上動脈血出不止死銅人鍼五分灸三壯○主偏
風口眼喎斜腫齒齩發寒熱腹堅大不嗜食傷寒病振
寒而欠久狂登高而歌棄衣而走足緩履不收身前痛
陷谷○足大指次指外間本節後陷中去內庭二寸足陽
明胃脈所注爲俞木○素註鍼五分留七呼灸三壯○
主面目浮腫及水病善噫腸鳴腹痛熱病無度汗不出
振寒瘡疾○東垣曰氣在於臂足取之先去血脈後取
其陽明少陰之榮俞內廷陷谷深取之

內廷○足大指次指外間陷中足陽明胃脈所溜爲榮水
○銅人灸三壯鍼三分留十呼甲乙留二十呼○主四
肢厥逆腹脹滿數欠惡聞人聲振寒咽中引痛口喎上
齒齩齩不嗜食腦皮膚痛鼻衄不止傷寒手足逆冷汗


不出赤白痢○仲景曰太陽若欲作再經者鍼足陽明
使不傳則愈

厲兌○足大指次指之端去爪甲角如韭葉足陽明胃脉
所出爲井金胃實瀉之銅人鍼一分灸一壯一云三壯
○主尸厥口噤氣絕狀如中惡心腹脹滿水腫熱病汗
不出寒瘡不嗜食面腫足脗寒疾痺上齒齩惡寒鼻不
利多驚好卧狂欲登高而歌棄衣而走黃疸執衄口喎
唇脣頸腫膝臄腫痛循胸乳氣街股伏菟脗外廉足跗
上痛消穀善飢溺黃

脾藏



脾



脾重二斤三兩扁廣三十長五寸有散膏半斤居脊之第十二椎掩乎太倉胃主裹血溫五藏

中央黃色入通於脾開竅於口藏精於脾故病在舌本其味甘其類土其畜牛其穀稷其應四時上爲鎮星是以知病之在肉也其音宮其數五其臭焦其液涎其色黃

中央生濕濕生土土生甘甘生脾脾生肉肉生肺脾主口其在天爲濕在地爲土在體爲肉在藏爲脾在色爲黃在音爲宮在聲爲歌在變動爲噦在竅爲口在味爲甘在志爲思思傷脾怒勝思濕傷肉風勝濕甘傷肉酸勝甘

脾之合肉也其榮唇也其主肝也○脾胃者倉廩之官五味出焉

脾者倉廩之本營之居也其華在唇四白其充在肌此至

陰之類通於土氣

從滑氏改正

○脾者土也孤藏以灌四旁

脾主四肢爲胃行其津液

冊溪曰脾具坤靜之德而有乾純之用易乾爲地顛行地無疆

之意

脾主治中央常以四時長四藏各十八日寄治不獨主於時也

脾氣通於口口和則知穀味矣

脾氣虛則夢飲食不足得其時則夢築垣墻蓋屋

長夏交四季

脾色黃欲如羅裹雄黃不欲如黃土

一云

脾氣絕則脉不榮其唇口唇者肌肉之本也脉不榮則肌肉不滑澤肌肉不滑澤則肉滿肉滿則唇反唇反則肉先

死甲日篤乙日死

脾經太陰穴

足太陰之脉起於大指之端循指內側白肉際過覈骨後
上內踝前廉

覈骨一作核骨俗云孤拐骨是也足跟後兩傍起骨爲
踝骨足太陰起大指之端隱白穴受足陽明之交也由
是循大指內側白肉際大都穴過核骨後歷太白公孫
商丘上內踝前廉之三陰交也

上膻內循肱骨後交出厥陰之前

膻示
宛切

膻腓腹也由三陰交上膻內循肱骨後之漏谷上行二
寸交出足厥陰經之前至地機陰陵泉

上循膝股內前廉入腹屬脾絡胃

脾內爲股臍上爲腹自陰陵泉上循膝股內前廉之血
海箕門逆入腹經冲門府舍會中極関元復循腹結

大橫會下腕歷腹哀過日月期門之分循本經之裏下
至中腕之際以屬脾絡胃也

上膈挾咽連舌本散舌下

咽所以嚥物居喉之前至胃長一尺六寸爲胃系也舌
本舌根也由腹哀上膈循食竇天谿胸鄉周榮由周榮
外曲折向下至大包又自大包外曲折向上會中府上
行人迎之裏挾喉連舌本散舌下而終

其支別者復從胃別上膈注心中

此支由腹哀別行再從胃部中腕穴之外上膈注於膻
中之裏心之分以交於手少陰

○此經多氣少血○已時氣血注此○凡二十一穴左
右共四十二穴

隱白○足大指端內側去爪甲角如韭葉脾脉所出爲井
木○素註鍼一分留三呼銅人鍼三分留三呼灸三壯
○主腹脹喘滿不得安卧嘔吐食不下胸中熱暴泄衄
血卒尸厥不識人足寒不能溫婦人月事過時不止小
兒客忤慢驚風

大都○足大指本節後內側陷中骨縫赤白肉際脾脉所
溜爲榮火脾虛補之銅人鍼三分灸三壯○主熱病汗
不出不得卧身重骨疼傷寒手足逆冷腹滿善嘔煩熱
悶亂吐逆目眩腰痛不可俛仰繞踝風胃心痛腹脹胸
滿心虻痛小兒客忤

太白○足大指內側內踝前核骨下陷中脾脉所注爲俞
土○銅人鍼三分灸三壯○主身熱煩滿腹脹食不化

嘔吐泄瀉膿血腰痛大便難氣逆霍亂腹中切痛腸鳴
膝股胛痠轉筋身重骨痛胃心痛腹脹胸滿心痛脉緩
公孫○足大指本節後一寸內踝前脾之絡脉別走陽明
胃經○銅人鍼四分灸三壯○主寒瘧不嗜食痼氣好
太息多寒熱汗出病至則喜嘔嘔已乃衰頭面腫起煩
心狂多飲膽虛○厥氣上逆則霍亂實則腸中切痛瀉
之虛則鼓脹補之

商丘○足內踝骨下微前陷中脾脉所行為經金脾實瀉
之○銅人灸三壯鍼三分○主腹脹腸中鳴不便脾虛
令人不樂身寒善太息心悲骨痺氣逆痔疾骨蛆蝕魔
癩癩瘰寒熱好嘔陰股內痛氣癰狐疝走上下引小腹
痛不可俛仰脾積痞氣黃疸舌本強痛胃脘痛腹脹寒

瘡溇瘕泄水 面黃善思善味食不消體重節痛怠惰嗜卧婦人絕子小兒慢風

三陰交○內踝上三寸骨下陷中足太陰少陰厥陰之交會○銅人鍼三分灸三壯○主脾胃虛弱心腹脹滿不思飲食脾痛身重四肢不舉腹脹腸鳴溇泄食不化痞癖腹寒膝內麻痛小便不利陰莖痛足痿不能行疝氣小便遺失膽虛食後吐水夢遺失精霍亂手足逆冷失欠頰車蹉開張口不合男子陰莖痛元戲發動臍下痛不可忍小兒客忤婦人臨經行房羸瘦瘕瘕漏血不止月水不止姪娠胎動橫生產後惡露不行去血過多血崩暈不省人事如經脉閉塞不通瀉之立通經脉虛耗不行者補之經脉益盛則通

卷之二

四

按宋太子出苑逢姪婦診曰女徐文伯曰一男一女
太子性急欲視文伯瀉三陰交補合谷胎應鍼而下
果如文伯之診後世遂以三陰交合谷為姪婦禁鍼
然文伯瀉三陰交補合谷而墮胎今獨不可補三陰
交瀉合谷而安胎乎蓋三陰交腎肝脾三脉之交會
主陰血血當補不當瀉合谷為大腸之原大腸為肺
之府主當氣瀉不當補文伯瀉三陰交以補合谷是
血衰氣旺也今補三陰交瀉合谷是血旺氣衰矣故
劉元賓亦曰血衰氣王定無姪血王氣衰應有體

漏谷

一名太陰終

內踝上六寸髀骨下陷中○銅人鍼三分灸

三壯○主腸鳴強久心悲逆氣腹脹滿急疾癖冷氣食

飲不為肌膚際痺足不能行

地機一名膝下五十膝內側輔骨下陷中伸足取之足太

陰和別走上一寸有空○銅人灸三壯鍼五分○主腰痛不可俯仰溇泄腹脇脹水腫脹堅不嗜食小便不利精不足女子癥瘕按之如湯沃股內至膝

陰陵泉○膝下內側輔骨下陷中伸足取之或曲膝取之與陽陵泉穴相對足太陰脾脉所入爲合水○銅人鍼五分○主腹中寒不嗜食脇下滿水脹腹堅喘逆不得卧腰痛不可俯仰霍亂疝瘕遺尿失禁不自知小便不利氣淋寒熱不節陰痛胸中熱暴泄

血海○膝膕上內廉白肉際二寸半○銅人鍼五分灸三壯○主氣逆腹脹女子漏下惡血月事不調○東垣曰女子漏下惡血月事不調暴崩不止多下水漿之物皆

田飲食不節或勞傷形體或素有氣不足灸太陰脾經

七壯

靈門○魚腹上越筋間陰股內動脈應手一云股上起筋

問○銅人灸三壯○主麻小便不通遺溺鼠蹊腫痛

衝門一名上○去大橫五寸府舍下橫骨兩端約中動脈

去腹中行四寸半○銅人鍼七分灸五壯○主腹寒氣

滿腹中積聚痰癥淫滯陰疝婦人難乳姪娠于冲心不

得息

府舍○腹哀下三寸去腹中行各四寸半足厥陰太陰陰

維之會三脉上下三入腹絡肝脾結心肺從脇上至肩

此太陰却三陰陽明之別○銅人灸五壯鍼七分○主

疝痺痺寒腹滿上搶心積聚霍亂

腹結陽銘十四經發揮云大橫下一寸三分去腹中行四寸半○銅人鍼七分灸五壯○主欬逆臍痛腹寒瀉利心痛

大橫○腹結下三寸五分直臍旁二十五分去腹中行四寸半足太陰陰維之會○銅人鍼七分灸三壯○主大風逆氣多寒善悲四肢不可舉動多汗洞痢

腹哀○日月下一寸五分去腹中行四寸半足太陰陰維之會○銅人鍼三分○主寒中食不化大便膿血

食竇○天谿下一寸六分舉臂取之○銅人鍼四分灸五壯○主胸脇支滿鬲間雷鳴常有水聲鬲痛

天谿○胸鄉下一寸六分陷中仰而取之○銅人鍼四分灸五壯○主胸中滿痛欬逆上氣喉中作聲婦人乳腫

積癰

胸鄉○周榮下一寸六分陷中仰而取之○銅人鍼四分
灸五壯○主胸脇支滿引胸背痛不得卧轉側難


周榮○中府下一寸六分仰而取之○銅人鍼四分灸五
壯○主胸脇滿不得俛仰食不下喜飲欬唾稠膿欬逆

多淫

淫恐作嘔

大包○淵液下三寸布胸脇中出兗肋間脾之大絡總統
陰陽諸絡由脾灌漑五藏○銅人灸三壯鍼三分○主
胸脇中痛帶氣○實則身盡痛瀉之虛則百節盡皆縱
補之

心臟
爲小
府



五藏系皆
屬於心

心少陰心之經



心重一十二兩附著於脊之第五椎居肺下膈上中有七

孔三毛

一云膈上智之人有之

形如木敷蓮花

南方赤色入通於心開竅於耳

言舌非

言耳

藏精於心故

病在五歲其味苦其類火其畜羊其穀黍其應四時上爲
熒惑星是以知病之在脉也其音徵其數七其臭焦其味
苦其聲言其液汗

南方生熱熱主火火生苦苦生心心生血血生脾心主舌
其在天爲熱在地爲火在體爲脉在藏爲心在色爲赤在
音爲徵在聲爲笑在變動爲憂在竅爲舌在味爲苦在志
爲喜喜傷心恐勝喜苦傷氣鹹勝苦心者君主之官也神
明出焉

心者生之本神之變也其華在面其充在血脉爲陽中之

太陽通於夏氣心之合脉也其榮色也其主腎也○心氣通於舌舌和則知五味矣心氣虛則夢救火陽物得其時則夢燔灼腹三○心色赤欲如帛裹朱不欲如赭問素五藏俱等而肺獨在膈上者何也然心者血肺者血氣爲榮氣爲衛相隨上下謂之榮衛通行經絡營周於身故令心肺在膈上也

陳氏曰心肺能以血氣生育人身則此身之父母也父母之尊理當居上故曰膈膜之上中有父母

心氣絕則脉不通脉不通則血不流血不流則色澤去故面色黑如黎此血先死壬日篤癸日死

手少陰心經穴

手少陰之脉起於心中出屬心系下膈絡小腸

心系有二一則上與肺相通而入肺兩大葉間一則田肺葉而下曲折向後並脊裏細絡相連貫脊髓與腎相通正當七節之間蓋五藏系皆通於心而心通五藏系也手少陰經起於心循任脉之外屬心系下膈當臍上一寸之分絡小腸

其支者從心系上挾咽系目

支者從心系出任脉之外上行而挾咽系目也

其直者復從心系却上肺出腋下

直者復從心系直上至肺蔽之分出循腋下抵極泉也穴在臂內腋下筋間動脉入胸

下循膈內後廉行太陰心主之後下肘內廉

自極泉下循膈內後廉行太陰心主兩經之後歷青靈

穴下肘內廉抵少海

循臂內後廉抵掌後兌骨之端入掌內廉循小指之內出其端腕下踝爲兌骨自少海而下循臂內後廉歷靈道通里至掌後兌骨之端經陰郄神門入掌內廉至少府循小指端之少衝而終以交於手太陽也○滑氏曰心爲君主之官示尊於他藏故其交經授受不假支別云○此經多血少氣○午時氣血注此○受足太陰之交○九九穴左右共一十八穴

極泉○臂內腋下筋間動脈入胸○銅人鍼三分灸七壯○主臂肘厥寒四支厥心痛乾嘔煩滿脇痛悲愁

青靈○肘上三寸伸肘舉臂取之○銅人灸七壯明堂三壯○主目黃頭痛振寒脇痛肩臂不舉不能帶衣

少海^二 肘內廉節後大骨外去肘端五分屈肘向頭得

之心脉所入爲合水○銅人鍼三分灸三壯甄權云不

宜灸鍼五分甲乙鍼二分留三呼瀉五吸不宜灸素註

灸五壯資生云數說不同要之非大急不灸○主寒熱

齒齲痛目眩發狂嘔吐涎沫項不得回顧肘掌腋脇下

痛四肢不得舉腦風頭痛氣逆噫噎瘰癧心疼手顫健

忘

靈道○掌後一寸五分心脉所行爲經金○銅人鍼三分

灸三壯○主心痛乾嘔悲恐相引瘰癧肘掌瘰癧不能

言

通里○腕後一寸陷中手少陰心脉之絡別走大陽小腸

經○銅人鍼三分灸三壯明堂七壯○主目眩頭痛熱

病先不樂數日懊懣數欠頻伸悲面熱無汗頭風暴瘖
不言目痛心悸肘臂臑痛苦嘔喉痺少氣遺溺婦人經
血過多崩中○實則支滿兩腫瀉之虛則不能言補之
陰却○掌後脉中去腕五分○銅人鍼三分灸七壯○主
鼻衄吐血洒淅畏寒厥逆氣驚心痛

神門

名中

掌後銳骨端陷中手少陰心脉所注為俞

土心實瀉之○銅人鍼三分留七呼灸七壯○主瘧心
煩甚欲得冷飲惡寒則欲廢溫中咽乾不嗜食心痛數
噫恚悸少氣不足手臂寒而赤喜笑掌中熱而眈目黃
脇痛喘逆身熱狂慧笑嘔血吐血振寒上氣遺溺失音
心性癡呆健忘心積伏梁大小人五疔○東垣曰胃氣
下溜五歲氣皆亂其為病互相出見氣在於心者取之

手少陰之俞神門大陵同精導氣以復其本位○靈樞
經曰少陰無俞心不病乎其外經病而蔽不病故獨取
其經於掌後銳骨之端心者五藏六府之大主精神之
所舍其蔽堅固邪不能容容邪則身死故諸邪皆在心
之包絡包絡者心主之脉也


少府○小指本節後骨縫陷中直勞宮手少陰心脉所流
為榮火○銅人鍼二分灸七壯明堂三壯○主煩滿少
氣悲恐畏人掌中熱臂痠肘腋攣急胸中痛手拳不伸
瘡瘡久不愈振寒陰挺出陰痿陰痛遺尿偏墜小便不
利太息

少衝經始手小指內應端去爪甲角如韭葉手少陰心脉
所出為井木心虛補之○銅人鍼一分灸三壯明堂一

壯○主熱病煩滿上氣嗌乾渴目黃臍臂內後廉痛厥
心痛痰冷少氣悲恐善驚太息煩滿掌中熱脇痛胸中
痛口中熱咽中酸乍寒乍熱手攣不伸引肘腋痛悲驚
○東垣曰一富者前陰臊臭求先師張潔古也治之曰夫前
陰足厥陰之脉絡循陰器出其挺末凡臭者心之所主
散入五方爲五臭入肝爲臊此其一也當於肝經瀉行
間是治其本後於心經中瀉少衝是治其標

小腸
大腸
胃

小腸上口
胃下口



小腸下口
大腸上口

手太陽小腸經



小腸重二斤十四兩長三丈二尺廣二寸半徑八分分之
少半左回疊積十六曲盛穀二斗四升水六升三合合之
大半胃之下口小腸上口也在臍上二寸水穀於是入焉
大腸上口小腸下口也至是而秘別清濁水液入膀胱滓
穢入大腸○小腸者受盛之官化物出焉○小腸爲赤腸
○食下則腸實而胃虛以此推之則知積拍下於大腸小腸亦虛矣

手太陽小腸經穴

手太陽之脉起於小指之端循手大側上腕出踝中

臂骨盡處爲腕腕下兌骨爲踝大經起小指端少澤穴
由是循手外側之前谷後谿上腕出踝中歷腕骨陽谷
養老穴也

直上循臂骨下廉出肘內側兩骨之間上循臑外後廉出

肩解繞肩胛交肩上

脊兩傍為督脊上兩角為肩解肩解下成片骨為肩胛
自養老穴直上循臂骨下廉支正穴出肘內側兩骨之
間歷少海穴上循臑外廉行手陽明少陽之外上肩循
肩貞臑俞天宗秉風曲垣肩外俞肩中俞諸穴乃上會
大椎因左右相交於兩肩之上

入缺盆絡心循咽下膈抵胃屬小腸

自交肩入缺盆循肩向腋下行當臆中之分絡心循
胃系下膈過上脘抵胃下行任脉之外當臍上二寸之
分屬小腸

其支者從缺盆貫頸上頰至目銳眦却入耳中

日外角為銳眦皆支者別從缺盆循頸之天窓天窓上頰

抵顛膠上至目銳眦過童子膠却入耳中循聽官而終也

其支別者別循頰上

頰音

抵鼻至目內眦

目下爲頰目大角爲內眦其支者別循頰上頰抵鼻至目內眦睛明穴以交於足太陽也

○此經多血少氣○未時氣血注此○受手少陰之交○凡一十九穴左右共三十八穴

少澤小詔手小指端外側去爪甲角下一分陷中手太陽

小腸脉所出爲井金○素註灸三壯銅人灸一壯鍼一

分留二呼○主癢寒熱汗不出喉痺舌強口乾心煩臂

痛癩癢嗽嗽口中涎唾頸項急不可顧目生膚翳覆瞳

子頭痛

前谷○手小指外側本節前陷中手太陽小腸脉所溜爲榮水○銅人鍼一分留三呼灸一壯明堂灸三壯○主熱病汗不出痲癩疾耳鳴頸項腫喉痺頰腫引耳後鼻塞不利咳嗽吐衄臂痛不得舉婦人產後無乳

後谿○手少指外側本節後陷中捏拳取之手太陽小腸脉所注爲俞木小腸虛補之○銅人鍼一分留二呼灸一壯○主瘡寒熱目赤生翳鼻衄耳聾胸滿頭項強不得回顧癩疾臂肘攣急痲疥

腕骨○手外側腕前起骨下陷中手太陽小腸脉所過爲原小腸虛實皆按之○銅人鍼二分留三呼灸三壯○主熱病汗不出脇下痛不得息頸頰腫寒熱耳鳴目冷淚生翳狂惕偏枯肘不得屈伸痲癩頭痛煩悶驚風瘰

癩五指掣頭痛

陽谷○手外側腕中銳骨下陷中手太陽大腸脉所行為
經火○素註灸三壯鍼二分留三呼甲乙留二呼○主
癩疾狂走熱病汗不出脇痛頸頰腫寒熱耳聾耳鳴齒
齲痛臂外側痛不舉吐舌戾頸妄言左右顧目眩小兒
瘰癧舌強不啣乳

養老○手踝骨前上一云腕骨後一寸陷中○銅人鍼三
分灸三壯○主肩臂痠疼肩欲折臂如拔手不能自上
下目視不明

支正○腕後五十手太陽絡脉別走少陰○銅人鍼三分
灸三壯明堂灸五壯○主風虛驚恐悲愁顛狂五勞四
肢虛弱肘臂攣屈伸手不握十指盡痛熱病先腰頸

瘦喜渴強項疣目○實則節弛肘廢瀉之虛則生疣小
如指痂疥補之

少海○肘內大骨外去肘端五分陷中屈手向頭取之手
太陽小腸脉所入爲合上小腸實瀉之○素註鍼二分
留七呼灸五壯○主頸領肩膈肘臂外後焦痛寒熱齒
根腫風眩頸項痛瘍腫振寒肘腋痛腫小腹痛癩發辛
鳴戾頸瘕癢狂走頷腫不可回顧肩似拔膈似折耳聾
目黃頰腫

肩貞○曲胛下兩骨解間有髃後陷中○銅人鍼五分素
註鍼八分灸三壯○主傷寒寒熱耳鳴耳聾缺盆肩中
熱痛風痺手足麻木不舉

臑俞○挾肩髃_{肘後}後大骨下胛上焦陷中舉臂取之手

太陽陽維陽躄三經之會○銅人鍼八分灸三壯○主
臂痿無力肩痛引胛寒熱氣腫瘰癧痛

天宗○秉風後大骨下陷中○銅人灸二壯鍼五分留六
呼○主肩臂痿痺肘外後廉痛頰頷腫

秉風○天髀外肩小髃後舉臂有空手太陽陽明手少
陽足少陽四脉之會○銅人灸五壯鍼五分○主肩痛
不能舉

曲垣○肩中央曲胛陷中按之應手痛○銅人灸三壯鍼
五分明堂鍼九分○主肩痺熱痛氣注肩胛拘急痛悶
肩外俞○肩胛上應去脊三寸陷中○銅人鍼六分灸三
壯明堂一壯○主肩胛痛周痺寒至用

肩中俞○肩胛內廉去脊二寸陷中○素註鍼六分灸三

牡銅人鍼三分留七呼灸十壯○主欬嗽上氣唾血寒

熱目視不明

天窓

一名天

○頸大筋間前曲頰下扶突後動脈應手陷中

○銅人灸三壯鍼三分素註六分○主痔瘻頸痛肩胛

引項不得回顧耳聾頰腫齒噤中風

天容○耳下曲頰後○灸三壯○主瘰頸項癱不可回顧

不能言胸痛胸滿不得息嘔逆吐沫齒噤耳聾耳鳴

顴膠○面頰骨下廉銳骨端陷中手少陽太陽之會○素

註鍼三分銅人鍼二分○主口喎面赤眼瞤動不止頰

腫齒痛

聽會

一名多所聞

耳中珠子大如赤小豆手足少陽手太陽三

脈之會○銅人鍼三分灸三壯明堂鍼一分甲乙鍼三

分○主失音癩疾心腹滿時耳耳聾如物填塞無聞耳
中嘈嘈懷懷蟬鳴

膀胱藏


上系小腸



膀胱

下脛前陰

足太陽膀胱經



勝脫重九兩二銖縱廣九寸居腎之下大腸之側小腸下口乃勝脫上口水液由是滲入焉盛溺九升九合

勝脫者州都之官津液歲焉氣化則能出矣

勝脫為黑腸

從歲屬此方已也

王安道曰或曰靈樞經云水穀者常并居胃中成糟粕而俱下大腸而成下焦滲而俱下濟泌別汁滲入勝脫焉王冰曰水液自回腸泌別汁滲入勝脫之中胞氣化之而為溺以世出也楊介云水穀自小腸盛受於闔門以分別也其水則滲入於勝脫上口為便詳已上三說則小便即泌別之水液滲入勝脫以出者也素問則曰飲食入胃遊溢精氣上輸於脾脾散精上歸於肺通調水道下輸勝脫則水便又似水飲精微之氣上升脾

肺運化而後成者也將何所同將何所憑乎余曰憑夫
理耳且夫洩溺者果何物耶水而已矣水之下流其性
則然也故飲入於胃其精氣雖上升其飲之本體固不
能上升也惟其不能上升者必有待於上升者爲之先
道故素問又曰膀胱者津液藏焉氣化則能出矣且水
者氣之子氣者水之母氣行則水行氣滯則水滯或者
又謂小便純由泌別不由運化蓋不明此理故也雖然
膀胱固曰津液之府至於受盛津液則又有胞而居膀
胱之中焉故素問曰胞移熱於膀胱靈樞曰膀胱之泡
薄以濡類纂曰膀胱者胞之室且夫胞之居於膀胱也
有上口而無下口津液既盛於胞無由自出必因乎氣
化而後能漸浸潤於膀胱外積於胞下之空處遂爲溺

以出於前陰也素問所謂膀胱津液藏焉者蓋舉膀胱以該胞也若曰胞下無空處則人溺急時至廁焉能即出乎夫惟積滿胞下空處而不可再容故急急則至廁即出矣或言胞有上口而無下口或言胞上下皆有口或言胞有小竅而為注泄之路不亦妄歟

太陽膀胱經穴

足太陽膀胱之脉起於目内眦上額交巔上

目大角為内眦髮際前為額腦上為巔巔頂也足太陽之脉起目内眦睛明穴上額循攢竹過伸庭歷曲差五處承光通天自通天斜行左右相交於頂上百會也

其支別者從巔至耳上角

支別者從巔至百會抵耳上角過率谷浮白竅陰穴所

以散養折經脈也

其直行者從竊入絡腦還出別下項

腦頭髓也腦後爲項此直行者由通天穴循絡却玉枕入絡腦復出下項抵天柱也

循肩膊內挾脊抵腰中入循膂絡腎屬膀胱

肩後之下爲肩膊椎骨爲脊尻上橫骨爲腰挾脊爲膂自天社而下過大椎陶道却循肩轉內挾脊兩傍下行歷大杼風門肺俞厥陰俞心俞鬲俞肝俞膽俞脾俞胃俞三焦俞腎俞大腸俞小腸俞膀胱俞中膂內俞白環俞由是抵腰中入循膂絡腎下屬膀胱也

其支別者從腰中下貫膂入膂中

膂尻也挾腰膂骨兩傍爲橫橫後爲膂腓腸上膝後曲

處為胸其支別者從腰中循腰踝下挾脊歷上膠次膠

中膠下膠

按腰膠即腰監骨人脊椎骨有二十一節自十六推節而下為腰監骨所溢附而入第穴則挾

十七至二十一

推節而下為腰監骨所溢附而入第穴則挾

脊第一至二

空云也推為腰監骨所溢附而入第穴則挾

復見而終焉又

按督脈當脊中起於長強在廿一椎下

等而上之至第

十六椎下為陽關穴其二十一椎至十七

椎皆無穴乃知

為會陽下貫腎至承扶股門浮郄委陽

入膈中之委中穴也

其支別者從腓內左右別下貫腓挾脊內過髀樞

脊內曰腓挾脊肉也其支別者為挾脊兩旁第三行相

去各三寸之諸穴自天柱而下從腓內左右別行下貫

腓脊歷附分臑戶膏盲神堂譚膈關魂門陽綱意舍

胃倉盲門志室胞盲秩邊下歷尻髀過髀樞也股外為

髀捷骨之下為髀樞

循髀外後廉下合膈中以下貫膈內出外髀之後循京骨
至小指外側端

膈脾腸也循髀後廉髀樞之裏承扶之外一寸五分之
間而下與前之入膈中者相合下行循合陽穴下貫膈
內歷承筋承山飛揚附陽出外踝後之崑崙僕參申脉
金門循京骨束骨通谷至小指外側端之至陰穴以交
於足少陰也

○此經多血少氣○中時氣血注此○受手太陽之交
○凡六十三穴左右共一百二十六穴○刺深五分留
六呼

精明一名映空○目內眥明堂云內眥頭外一分宛宛中手足
太陽足陽明陰陽踴陽踴五脉之會○銅人鍼一寸半留

三呼雀目者可久留鍼然後速鍼禁灸明堂鍼一分半
資生云而部所鍼淺者一分深者四分素註亦云一分
是銅人誤以一分爲一寸也素註鍼一分留六呼灸三
壯○主目遠視不明惡風淚出憎寒頭痛目眩內眥赤
痛眈眈無見眥癢淫膚白翳大眥拳睛弩肉侵睛雀目
瞳子生癢小兒疳眼

按東垣曰刺太陽陽明出血則目愈明蓋此經多血
少氣故目翳與赤痛從內眥起者刺睛明攢竹以宣
泄太陽之熱然睛明刺一分半攢竹刺一分三分爲
適淺深之宜今醫家刺攢竹則鍼直抵睛明不補不
瀉而又久留鍼非古人意也

攢竹

一名始元一名西眉頭少陷宛宛中○素註鍼三分

留六呼灸三壯銅人禁灸鍼一分留三呼瀉三吸徐徐
出鍼宜以細三稜鍼刺之宣泄熱氣三度刺目大明明
堂宜細三稜鍼三分出血灸一壯○主目既眩視物不
明淚出目眩瞳子癢目眦眼中赤痛及臉瞤動不得卧
頰痛面痛尸厥癲邪伸狂鬼魅風眩暈

曲差○神庭旁一寸五分入髮際○銅人鍼三分灸三壯
○主目不明眦衄鼻塞鼻瘡心煩滿汗不出頭頂痛頂
腫身體煩熱

五處○夾上星旁一寸五分○銅人鍼三分留七呼灸三
壯明堂灸五壯○主脊強反折瘳癡癩疾頭風熱目眩
目不明目上戴不識人

承光○五處後一寸五分又云一寸○銅人鍼三分禁灸

○主風眩頭風嘔吐心煩鼻塞不利目生白翳

通天○承光後一寸半○銅人鍼三分留七呼灸三壯○

主瘰氣鼻衄鼻齋鼻窒鼻多清涕頭旋尸厥口喘喘息

項痛重暫起僮仆腰痛

絡却一名名強○通天後一寸五分○素註刺三分留五

呼銅人灸三壯○主頭旋耳鳴狂走瘖瘖恍惚不樂腹

脹青盲內障目無所見

玉枕○絡却後一寸五分又云七分夾腦戶旁一寸三分

起肉枕骨上入髮際二寸○銅人灸三壯鍼三分留三

呼○主目痛如脫不能遠視內連系急失枕頭項痛風

眩頭寒多汗鼻窒不聞

天柱○挾項後髮際大筋外廉陷中○銅人鍼五分得氣

即瀉明堂鍼二分留三呼瀉五吸灸不及鍼日七壯至
百壯下經三壯素註鍼二分留六呼○主頭旋腦痛頭
風鼻不知香臭腦重加脫頂如拔項強不可回顧

大杼○項後第一椎下兩旁相去脊中各一寸五分陷中
正坐取之督脉別絡手足太陽少陽之會○難經曰骨
會大杼疏曰骨病治此袁氏曰肩能負重以骨會大杼
也○銅人鍼五分灸七壯明堂禁灸下經素註鍼三分
留七呼灸三壯脊生云非大急不灸○主膝痛不可屈
伸傷寒汗不出腰脊痛胸中鬱鬱熱甚不已頭風振寒
項強不可俛仰痠瘖頭旋勞氣咳嗽身熱目眩腹痛僵
仆不能久立煩滿裏急身不安筋攣癩疾身蹇急大
○東垣曰五藏氣亂在於頭取之天柱大杼不補不瀉

以導氣而已

鳳門

熱病

○二椎下兩旁相去脊各一寸五分正坐取之

○銅人鍼五分素註三分留七呼明堂灸五壯若頻刺

泄諸陽熱氣背永不發癰疽灸五壯○主發背癰疽身

熱上氣短氣欬逆胸背痛風嘔吐傷寒頭項強目瞋胸

中熱

肺俞○第三椎下兩旁相去各一寸五分千金對乳引繩

度之甄權以搭手左取右右取左當中指末是正坐取

之○難經曰陰病行陽故五藏俞皆在陽滑氏曰背爲

陽俞史記扁鵲傳作輸猶委輸經氣由此而輸彼也○

甲乙鍼三分留七呼得氣即瀉甄權鍼五分留七呼灸

百壯明下三壯○素問刺中肺三日死其功也又曰

五日死○主癰氣其以疽勞瘵口舌乾勞熱上氣腰脊強
痛寒熱喘滿虛煩傳尸骨蒸肺痿咳嗽肉痛皮癢嘔吐
支滿不嗜食狂走欲自殺背僂肺中風僂卧胸滿短氣
贅悶汗出百毒病食後吐水小兒龜背○仲景曰太陽
與少陽併病頭項強痛或眩冒時如結胸心下痞硬者
當刺太陽肺膈肝膈

按素問云刺胸腹者必避五藏中肺者三日死云云
銅人乃於背部各俞穴言之則固矣

厥陰俞一名關俞○四椎下兩旁各一寸五分正坐取之○銅
人鍼三分灸七壯○主欬逆牙痛心痛胸滿嘔吐留結
煩悶

或曰厥府皆有俞在背獨心包絡無俞何也曰厥陰

俞即心包絡俞也

心俞○五椎下兩旁相去脊各一寸五分正坐取之○銅人鍼三分留七呼得氣即瀉不可灸明堂灸三壯資生云刺中心一日死其動爲噫又曰還死豈可妄鍼千金言中風心急灸心俞百壯當權其緩急可也○主偏風半身不遂心氣龍恍惚心中風僵卧不得傾側悶亂胃絕汗出唇赤狂走發癩語悲泣胸悶亂欬吐血黃疸鼻衄目矇目昏嘔吐不下食丹毒白狸瘰癧小兒心氣不足數歲不語

鬲俞○七椎下兩旁相去脊中一寸五分正坐取之○難經曰血會鬲俞疏曰血病治此蓋上則心俞心主血下則肝俞肝藏血故鬲俞爲血會又足太陽多血血乃水

之象也○銅人鍼三分留七呼灸三壯素問刺中膈比
爲傷中其病難愈不過一歲必死○主心痛周痺吐食
翻胃骨蒸四支怠惰嗜卧痿痺效逆嘔吐膈胃寒痰食
飲不下熱病汗不出身重常溫不能食食則心痛身痛
臃脹脇腹滿自汗盜汗

肝俞○九椎下兩旁相去脊中各一寸五分正坐取之○

經曰東風傷於春病在肝俞○銅人鍼三分留六呼灸

三壯明堂灸七壯素問刺中肝五日死其動爲效○主

多怒黃疸鼻酸熱病後目暗淚出目眩氣短效血目上

視效逆，乾寒疝筋寒熱瘕筋急相引轉筋入腹將死

○千金云效引兩脇急痛不得息轉側難擬肋下與脊

相引而反折目上視目眩循眉頭驚狂執起則目眈

晚生白翳效引胸中痛寒心小腹痛唾血短氣熱病差
後食五辛目暗肝中風踞坐不得低頭繞兩目連額上
色微青積聚否痛

膽俞○十椎下兩旁相去脊中各一寸五分正坐取之○
銅人鍼五分留七呼灸三壯明堂鍼三分下經灸五壯
素問刺中膽一日半死○主頭痛振寒汗不出腋下腫
心腹脹口苦舌乾咽痛乾嘔吐骨蒸勞熱食不下目黃
按資生經所載崔知悌平取四花穴上二穴是鬲俞
下二穴膽俞四穴主血故取此以治勞瘵後世誤以
四花爲斜取非也

脾俞○十一椎下兩旁相去脊中各一寸五分正坐取之
○銅人鍼三分留七呼灸三壯明堂灸五壯素問刺中

脾十日死其動為吞又曰五日死○主多食身疲
鹹汗痰癖積聚脇下滿洩利痰瘧寒熱水腫氣脹
痛黃疸喜久不嗜食

胃俞○十二椎下兩旁相去脊中各一寸五分正坐取之
○銅人鍼三分留七呼灸隨年為壯明堂灸三壯下經
七壯○主瘧亂胃寒腹脹而鳴緜胃嘔吐不嗜食多食
羸瘦目不明腹痛胸脇支滿脊痛筋攣小兒羸瘦不生
肌膚○東垣曰中濕者治在胃俞

三焦俞○十二椎下兩旁相去脊中各一寸五分正坐取
之○銅人鍼五分留七呼灸三壯明堂鍼三分灸五壯
○主臧府積聚脹滿羸瘦不能飲食傷寒頭痛飲食吐
逆肩背急腰脊強不得俛仰水穀不化泄注下利腹脹

腸鳴目眩頭痛

腎俞○十四椎下兩旁相去脊中各一寸五分與臍平正
坐取之欲知背俞先度其兩乳間中折之更以他草六
去半已即以兩隅相拄也乃舉以度其背令其一隅居
上齊脊大椎兩隅在下當其下隅者肺之俞也復下一
度心之俞也復下一度肝之俞也脾之俞也復下一度
腎之俞也○銅人鍼三分留七呼灸以年為壯明堂灸
三壯○素問刺中腎六日死其動為噦又五日死○主
虛勞羸瘦耳聾腎虛水歲久冷心腹填滿脹急兩脇滿
引小腹急痛脹熱小便淋目視眊眊少氣溺血小便濁
出精夢泄腎中風踞坐而腰痛消渴五勞七傷虛熱脚
膝拘急腰寒如水頭重身熱振慄食多羸瘦面黃黑腸

鳴膝中四肢淫漻洞洩食不化身腫如水女人積冷氣
成勞乘經交接羸瘦寒熱往來

大腸俞○十六椎下兩旁相去脊中各一寸五分伏取之
○銅人鍼三分留六呼灸三壯○主脊強不得俛仰腰
痠腹中氣脹統臍切痛腸鳴引脊痛多食身瘦腹中雷
鳴大腸中風而鳴大腸滯沸腸癖洩利白痢食不化小
腹絞痛大小便難○東垣云中燥治在大腸俞

小腸俞○十八椎下兩旁相去脊中各一寸五分伏而取
之○銅人鍼三分留六呼灸三壯○主膀胱三焦津液
少大小腸寒熱小便赤不利淋瀝遺溺小腹脹滿疔痛
泄痢膿血五色赤痢下重腫痛脚腫五痔頭痛虛之消
渴口乾不可忍婦人帶下○東垣云中者治在小腸俞

勝臑俞○十九椎下兩旁相去脊中各一寸五分伏取之

○銅人鍼三分留六呼灸三壯明堂灸七壯○主風勞

脊急強小便赤黃遺溺陰生瘡少氣脛寒拘急不得屈

伸腹滿大便難洩利腹痛脚膝無力女子癥聚

中膂內俞

一名脊內俞

○二十椎下兩旁相去脊中各一寸五

分夾脊伸起肉伏取之○銅人鍼三分留十呼灸三壯

明堂云腰痛夾脊裏痛上下按之應者從項至此穴痛

皆宜灸○主腎虛消渴腰脊強不得俛仰腸冷赤白痢

疝痛汗不出腹脹脇痛

白環俞○二十一椎下兩旁相去脊中各一寸五分伏取

之一云挺伏地端身兩手相重支額縱息令皮膚俱緩

乃取其穴○素註鍼五分得氣則先瀉瀉訖多補之不

宜灸明堂云灸三壯○主手足不仁腰脊痛疝痛大小
便不利腰髓疼脚膝不遂温瘧腰脊冷疼不得久卧勞
損虛風腰背不便筋學痺縮虛熱閉塞

上膠○第一空腰躡下一寸夾脊陷中足太陽少陽之絡
○銅人鍼三分灸七壯○主大小便不利嘔逆膝冷痛
鼻衄寒熱在少陰挺出婦人白瀝絕嗣○大理趙卿患偏
風不能起跪甄權鍼上膠環跳陽陵泉巨虛下廉即能
起跪○八膠總治腰痛

次膠○第二空夾脊陷中○銅人鍼三分灸七壯○主大
小便不利腰痛不得轉搖背膝寒小便赤心下堅脹疝
氣下墜足清不仁陰氣痛腸鳴注泄偏風婦人赤白淋
中膠○三空夾脊陷中足厥陰少陽所結之會○銅人鍼

二分留十呼灸三壯○主大小便不利腹脹下利五勞

七傷六極大便難小便淋瀝食泄婦人帶下月事不調

下膠○四空夾脊陷中○銅人鍼二分留十呼灸三壯○

主大小便不利腸鳴注瀉寒濕內傷大便下血腰不得

轉痛引卵女子下蒼汁不禁中痛引小腸急痛

會陽一名利機陰尻骨兩旁○銅人鍼八分灸五壯○主腹

寒熱氣冷氣泄瀉久痔腸痔下血陽氣虛乏陰汗濕

承扶一名陰關一名肉部一名皮部○尻脊下股陰上文中又云尻脊下

陷文中○銅人鍼七分灸三壯○主腰脊相引如解久

痔尻脊腫大便難陰包有寒小便不利

殺門○肉却下六寸○銅人鍼七分○主腰脊不可俛仰

舉重惡血泄注外股腫

浮却○委陽上一寸展膝得之○銅人鍼五分灸三壯○
主癰亂轉筋小腸熱大腸結脛外經筋急髀樞不仁小
便熱大便堅

委陽○承扶下一寸六分屈伸取之足太陽之前少陽之
後出於膈中外廉兩筋間三焦下輔俞足太陽之別絡
○素註鍼七分留五呼灸三壯○主腰脊痛不可俛仰
引陰中不得小便癱瘓癩疾小腹堅傷寒熱甚

委中一名血結○膈中央約文動脈陷中令人面挺伏地卧取
之足太陽膀胱脉所入爲合土○素註鍼五分留七呼
銅人鍼八分留三呼瀉七吸甲乙鍼五分灸三壯素問
刺委中大脉令人仆脫色○主膝痛及拇指腰夾脊沉
沈然遺溺腰重不能舉小腹堅滿體風痺髀樞痛可出

血痼瘳皆愈傷寒四反熱熱病汗不出取其經血立愈
委中者血郄也大風髮眉墮落刺之出血

附分○二椎下附項內廉兩旁相去脊中各三十正坐取
之手足太陽之會○銅人鍼三分素註刺八分灸五壯
○主肘不仁肩背拘急風冷客於腰理頸痛不得回顧
魄戶○直附分下三椎下兩傍相去脊中行各三寸正坐
取之○銅人鍼五分得氣即瀉又宜久留鍼日灸七壯
至百壯素註五壯○上背膊痛虛勞肺痿三尸走疰項
強急不得回顧喘息效逆嘔吐煩滿

膏肓俞○四椎下近五椎上兩旁相去脊中各三寸正坐
曲脊伸兩手以臂著膝前令端直手大指與膝頭齊以
物支肘毋令搖動取之○銅人灸百壯多至五百壯當

覺龔龍然似水流之狀亦當有所下若無停痰宿飲則無所下也如病人已困不能正坐當令側卧挽上臂令取穴久之又當灸臍下氣海丹田關元中極四穴中取一穴又灸足三里以引火氣實下○主無所不瘥羸瘦虛損傳尸骨蒸夢中失精上氣欬逆發狂健忘痰病○左傳成公十年晉侯疾病求醫於秦秦使醫緩素嬰名緩為之未至公夢疾為二豎子曰彼良醫也懼傷我焉述之其一曰居背之上膏之下若我何醫至曰疾不可為也在背之上膏之下攻之不可達之不及藥不至焉不可為也公曰良醫也厚為之禮而歸之○孫思邈曰特人拙不能得此穴所以宿病難遣若能用心方便求得灸之無疾不愈矣

按先儒謂左氏失之誣其所載固未足信而思邈所
譏恐未中理何者如使天下無不可醫之疾則思邈
所著千金翼方二書具存其方其法豈能百發百中
哉以是知鏡川上工十全之論有爲而發也又按育
兩也心下爲膏又曰凝者爲脂釋者爲膏又曰膏連
心脂膏也

楊文懿文集云周官論醫事以十全爲上失一二
三四次之十失四爲下吾嘗疑之夫疾有淺深則
醫有難易淺者雖庸醫可十全也使越人逢若齊
侯者三四使和緩逢若晉侯者三四則皆失之矣
果孰爲上下乎

神堂○五椎下兩旁相去脊中各三寸陷中正坐取之○

銅人鍼三分灸五壯明堂灸三壯素註鍼五分○主腰背脊強急不可俛仰洒淅寒熱胸腹滿氣逆上攻時體譫譫○肩膊內廉俠六椎下兩旁相去脊中各三寸正坐取之以手重按病人言譫譫應手○素註留七呼銅人鍼六分留三呼瀉五吸灸二七壯止百壯明堂灸五壯○主大風汗不出勞損不得卧溫瘡寒瘡背悶氣滿腹脹氣眩胃中痛引腰背腋拘脇痛目眩目痛鼻衄喘逆臂膊內廉痛不得俛仰小兒食時頭痛五心熱

兩關○大椎下兩旁相去脊中行各三寸陷中正坐開肩取之○銅人鍼五分灸三壯○主背痛惡寒脊強俛仰難食飲不下嘔噦多涎唾胸中噎悶大便不節小便黃魂門○九椎下兩旁相去脊中各三寸陷中正坐取之外

壹云十椎下○銅人鍼五分灸三壯○主尸厥走疰胸背連心痛飲食不下腹中雷鳴大便不節小便赤黃

陽綱○十椎下兩旁相去脊中行各三寸正坐闊肩取之外臺云十一椎下○銅人鍼五分灸三壯下經灸七壯○上腸鳴腹痛飲食不下小便赤澁腹脹身熱大便不節泄痢赤黃不嗜食急情

意舍○十一椎下兩旁相去脊中各三寸正坐取之外臺云九椎下○銅人鍼五分灸五十壯至百壯明堂五寸杜下經灸七壯素註二壯甲乙三壯鍼五分○主腹滿虛脹大便滑泄小便赤黃背痛惡風寒食飲不下嘔吐消渴身熱目黃

胃倉○十二椎下兩旁相去脊中各三寸正坐取之○銅

人鍼五分灸五十壯甲乙三壯○主腹滿虛脹水腫食飲不下惡寒背脊痛不得俛仰

盲門○十一椎下兩旁相去脊中行各三寸陷中又肋間與鳩尾相直正坐取之○銅人灸三十壯鍼五分又云灸二壯○主心下痛大便堅婦人乳疾

志室○十四椎下兩旁相去脊中行各三寸陷中正坐取之○銅人鍼九分灸三壯明堂灸七壯○王陰腫陰痛背痛腰脊強直俛仰不得飲食不消腹強直夢遺失精淋瀝吐逆兩脇急痛癰亂

胞育○十九椎下兩旁相去脊中行各一寸陷中伏而取之○銅人鍼五分灸五七壯明堂三壯甲乙三壯○主腰脊急痛食不消腹堅急腸鳴淋瀝不得大小便癰

閉下腫

秩邊○二十椎下兩旁相去脊中行各三寸陷中伏取之
○銅人鍼五分明堂灸三壯鍼三分○主五痔發腫小便赤腰痛

或曰太陽膀胱行皆第二行自大杼至白環俞十七
穴云第幾椎下兩旁相去各一寸半第三行自附分
至秩邊十四穴云某椎下兩旁相去各三寸當除去
脊骨一寸外量取之不然不應太近椎也曰旁者指
第二第三行髂穴皆在脊之旁也按滑氏云自大杼
至白環諸穴並第二行相去脊中各一寸五分歌云
自從大杼至白環相去脊中三寸間夫既曰脊中則
自脊骨中間量取而非骨外量取明矣○大按皆部

穴共五行督脉在中太陽經四行在兩旁其穴又皆
揣摩脊骨各開取之如瘦人骨露易取肥人脊隱難
摸取穴多不得其真頃先將瘦人量取定將瘦人同
身尺寸自某處起至本處是穴然後將肥人同身尺
寸若干亦自某處起量至某處是穴假如取膏肓穴
先將瘦人揣摩得四推下五推上用墨點記却將稻
稈心一條自結喉下圍轉到墨點處截斷稻稈兩頭
用瘦人中指兩文角寸法量得此稻稈二十一寸強
又別將稻稈一條量取肥人中指節兩文頭寸法二
十一寸強截斷自肥人結喉下圍量至稻稈並頭盡
處用墨點記即是膏肓矣餘倣此○或曰素問論五
藏俞灸之則可刺之則不可故王壽亦以鍼能殺生

人不能起死人取灸而不取鍼蓋亦有所據也而銅人明堂千金諸書於五藏俞穴鍼灸並載何如曰按素問血氣形志論及遺篇俱論藏俞刺法以是知素問非成於一人之手也如背俞止鍼三四分漢書所載魏樊阿得鍼法於華陀其刺胸背深入二三寸巨闕藏俞乃五寸而病皆瘳是又不以繩墨拘也

合陽○約文中下三寸○銅人鍼六分灸五壯○主腰脊強引腹痛陰股熱肝瘦腫步履難寒疝陰偏痛女子崩中帶下

承筋

一名腦腸一名直腸

○腦腸中央陷中脛後從脚跟上七寸○

銅人灸三壯禁鍼明堂鍼三分千金禁鍼資生云三說不同不刺可也○主腰背拘急大便秘腋腫痔瘡瘰

不仁喘痰脚急跟痛腰痛鼻熱蠱癰亂轉筋

丞山

一名魚腹一名肉在一名傷山

允膈腸下分肉間陷中一云臁肚下

分肉間○鍼經云取血須用兩手高托按壁上兩足指離地用足大指尖堅起上看足允膈腸下分肉間○銅人灸一壯鍼七分明堂鍼八分得氣即瀉速出鍼灸不及鍼止七七壯下經灸五壯○主大便不通轉筋痔腫戰慄不能立脚氣膝腫脛痠脚跟痛筋急痛脚氣膝下腫癰亂急食不通傷寒水結

飛揚

一名原陽

○外踝骨上七寸足太陽絡脉別走少陰○銅

人鍼三分灸三壯明堂灸五壯○主痔腫痛體重起坐不能步履不收脚膈痠腫戰慄不能久立久坐足指不能屈伸目眩目痛歷節風逆氣癰疾寒瘡○實則執塞

頭背痛瀉之虛則孰奴補之

附陽○外踝上三寸太陽前少陽後筋骨之間陽蹻脉却
○素註鍼六分留七呼灸三壯明堂灸五壯○主霍亂
轉筋腰痛不能久立坐不能起髀樞股肱痛痿厥風痺
不仁頭重頭痛時有寒熱四肢不舉

崑崙○足外踝後跟骨上陷中細脉動應手足太陽膀胱
脉所行為經火○素註鍼五分留十呼銅人鍼三分灸
三壯妊婦刺之落胎○主腰尻脚氣足腫不得履地
孰奴腫如結踝如裂頭痛肩背拘急效喘滿腰脊內引
痛偃僕陰腫痛目眩目痛如脫瘡多汗心痛與背相接
婦人字難包衣不出小兒發癩瘕癥○東垣曰鍼經云
上氣不足腦爲之不滿耳爲之苦鳴頭爲之傾目爲之

眼中氣不足波便爲之變腸爲之苦鳴下氣不足則爲瘡厥心悅補足外踝留之

僕參

一名足

足跟骨下陷中拱足得之陽蹻之本○銅人鍼

三分灸七壯明堂三壯○主足痿失履不收足跟痛不得履地霍亂轉筋吐逆尸厥癩癧狂言見鬼脚氣膝腫

申脉

即陽蹻

○外踝下五分陷中容爪甲白肉際陽蹻脉所

出○銅人鍼三分素註留七呼灸三壯甲乙七呼刺腰痛篇註留七呼○主風眩腰痛脚筋酸不能久立如在舟中勞極冷氣逆氣腰體冷痺脚膝屈伸難婦人血氣痛○潔古曰癩病書發灸陽蹻

金門

一名

○外踝下甲脉下一寸足太陽却陽維別屬○

銅人鍼

一分灸三壯○主癩亂轉筋尸厥癩癧暴疔膝


耐瘦身戰不能久立小兒張口搖頭身反

京骨○足外側大骨下赤白骨際陷中按而得之小指本節後大骨名京骨其穴在骨下足太陽脉所過為原膀胱虛實皆拔之○銅人鍼三分留七呼灸七壯明堂五壯素註三壯○主頭痛如破腰痛不可屈伸身後痛身側痛目內眥赤爛白翳夾內眥起目反白目眩發瘡寒熱喜驚不欲食筋掣足筋痛解樞痛頸項強腰背不可俛仰偃俛鼻軌不止心痛


束骨○足小指外側本節後赤白肉際陷中足太陽脉所注為俞木膀胱實瀉之○銅人灸三壯鍼三分留三呼○主腰痛如折髀不可曲脰如結臄如裂耳聾惡風寒頭顛項痛目眩身熱目黃淚出肌肉動項強不可曲

額目內皆赤爛腸泄痔瘡癩狂發背癰疽背生疔瘡
通谷○足小指外側本節前陷中足太陽脉所流爲榮水
○銅人鍼二分留五呼灸三壯○主頭重目眩善驚引
匙衄項痛目眦眦留飲胸滿食不化失欠○東垣曰胃
氣下溜五藏氣亂在於頭取天柱大杼不知深取通谷
束骨

至陰○足小指外側去爪甲角如韭葉足太陽脉所出金
井金膀胱虛補之○銅人鍼二分灸三壯素註鍼一分
留留五呼○主目生翳鼻塞頭重風寒從足小指起脉
痺上下帶胸脇痛無常處轉筋寒瘰汗不出煩心足下
熱小便不利失精目痛大背痛○太陽根結篇云太陽
根於至陰結於命門命門者目也



足少陰腎經



腎有兩枚重一斤一兩狀如石卵附著於脊之十四椎當胃下兩旁

北方黑色入通於腎開竅於二陰藏精於腎故病在谿其味鹹其類水其畜豕其應四時上為辰星是以知病之在骨也其音羽其數六其臭腐其液唾其色黑

北方生寒寒生水水生鹹鹹生腎腎生骨髓骨髓生肝腎生耳其在天為寒在地為水在體為骨在藏為腎在色為黑在音為羽在聲為呻在變動為慄在竅為耳在味為鹹在志為恐恐傷腎思勝恐寒傷血濕勝寒鹹傷血甘勝鹹○腎者作強之官伎巧出焉

腎者主蟄封藏之本精之處也其華在髮其充在骨為陰中之少陰通於冬氣○腎之合骨也其榮髮也其主脾也

藏各有一腎獨有兩者何也然兩者非皆腎也其左者為腎右者為命門命門者諸精神之所舍原氣之所係也男子以藏精女子以係胞故知腎有二也

程可久曰北方常配二物故易惟坎加習於物為龜蛇於方為朔為北於大玄為玄為冥

滑氏曰腎雖有左右命門之分其氣相通實皆腎也合而觀之謂之五藏五府可也六藏六府亦可也

七節之旁中有小心

心為火腎為相火故曰小心七節自尾骶數上又絡為腎之配

腎氣通於耳耳和則知五音矣

腎氣虛則夢見舟船溺人得其時則夢伏水中若有所畏
恐

腎色黑欲如重漆色不欲如炭色

腎氣絕即骨枯少陰者冬脉也伏行而溫於骨髓骨髓不
溫則肉不着骨骨肉不相親即肉滯而却故齒長而枯髮
無潤澤骨先死戊日篤巳日死○原病式曰仙經云先生
左腎則爲男先生右腎則爲女丹溪曰錢仲陽腎有補無
瀉又曰主閉藏者腎也施疏泄者肝也二藏皆有火而其
系上屬於心心者君火也爲物所感則易動心動則相火
翁然而隨雖不交會亦暗流而疏泄矣○又曰火有一曰
君火曰相火以名而言形質相生配於五藏故謂之君以
位而言守位稟命故謂之相人有此生而恆於動者以相

火助之也見於天者出於龍雷則木之氣出於海則水之氣具於人者寄於肝腎肝屬木而腎屬水人非此大不能以有生天之火出於木而本於地故雷非熱海非附於地則不能鳴不能飛不能波也鳴也飛也波也動而主火者也肝腎之陰悉具相火人而同乎天也

玉節齋曰古方滋補藥皆無補右尺命門相火

如八味丸之類

不知左腎原虛右腎原旺若兩腎平補依舊火勝於水只補其左制其右

錢氏六味地黃丸丹溪虎潛補陰之類

庶得水火相平

也

足少陰腎經穴

足少陰之脈起於小指之下斜趨足心

趨向也足少陰起小指之下斜趨足心之湧泉

出然谷之下循內踝之後別入跟中上膈內出膈內廉

跟足根也由湧泉轉出足內踝然谷穴下循內踝大豁
穴別入跟中之大鍾照海水泉乃折自大鍾之外上循
內踝行厥陰太陰之後經復溜交信過三陰交上膈內
循築賓出膈內廉抵陰谷也

上股內後廉貫脊屬腎絡膀胱

由陰谷上股內後廉貫脊會於脊之長強穴還出於前
循橫骨大赫氣穴四滿中注盲俞當盲俞之所臍之左
右屬腎下臍過關元中極而絡膀胱也

其直行者從腎上貫肝膈入肺中循喉嚨扶舌本

直行者從盲俞屬腎處上行循商曲石關陰陰都通谷
諸穴貫肝上循幽門上膈歷步廊入肺中循神封靈墟

神藏或中俞府而上循喉龍並入迎挾舌本而終也

其支者從肺出絡心注胸中

兩乳間爲胸支者自神藏別出繞心注胸之膻中以交
於手厥陰也

○此經多血少氣○酉時氣血注此○受足太陽之交

○凡二十七穴左右共五十四穴○刺深二分留二呼

湧泉地一名○足心陷中屈足捲指宛宛中斃取之足少陰

脉所出爲井木實則瀉之○銅人鍼五分無令出血灸

三壯明堂灸不及鍼素註刺三分留三呼○主尸厥面

黑如灰色欬吐有血喝而喘坐欲起目眈眈無所見善

恐惕惕如人將捕之舌乾咽腫上氣嗑乾煩心心痛黃

疸腸澼股內後廔痛痿厥嗜卧善悲欠小腹急痛泄而

下重足脛寒而逆腰痛大便難心中結熱風痺風痲心
病飢不嗜食咳嗽身熱喉閉舌急失音卒心痛喉痺胸
脇滿悶頸痛目眩五指端盡痛足不踐地足下熱男子
如蠶女子如娘婦人無子轉胞不得尿○千金翼云主
喜喘脊脇相引忽忽喜忌陰痺腹脹腰痛不欲食喘逆
足下清至膝咽中痛不可納食瘡不能言小便不利小
腹痛風入腸中癩病火臍痛急衄不止五疝熱病先腰
痠喜渴數引飲身項痛而寒且痠足熱不欲言頭痛癩
癩然少氣寒厥霍亂轉筋腎積背豚○漢濟北王阿母
病患熱厥足熱淳于意刺足心立愈

然谷

一名龍淵

○足內踝前起太帶下陷中一云內踝前在下

一寸別於太陰蹻脉之剡足少陰脉所流爲榮火○銅

人灸三壯鍼三分留三呼不宜見血令人立飢欲食刺
足下布絡中脉血不出爲腫○主咽內腫不能內唾時
不能出唾心恐懼如人將捕涎出喘呼少氣足跗腫不
得履地寒疝小腹脹上捨胸脇欬唾血喉痺淋瀝白濁
溺痠不能久立足一寒一熱舌縱煩滿消渴自汗盜汗
出痿厥洞泄心痛如錐刺墜惡血留內腹中男子精
泄婦人無子陰挺出月事不調陰痿初生小兒臍風口
禁

太谿

一名呂細

足內踝後跟骨上動脉陷中男子婦人病有此

脉則生無則死足少陰腎脉所注爲俞土○素註鍼三
分留七呼灸三壯○主久瘡嗽逆心痛如錐刺心脉沉
手足寒至節喘息嘔吐痰實口中如膠善噫寒疝熱病

汗不出默默嗜卧溺黃洩痺大便難咽腫唾血痰癖寒
熱咳嗽不嗜食腹脇痛瘦脊傷寒手足厥冷○東垣曰
成痿者以道濕熱引胃無出行陽道不令濕土尅腎水
其穴在太谿

大鍾○足跟後踵中大骨上兩筋間足少陰絡別走太谿
○銅人灸三壯鍼二分留七呼素註留三呼○主嘔吐
胸脹喘息腹滿便難腰脊痛少氣淋瀝洒淅腹脊強嗜
卧口中熱多寒欲閉戶而處少氣不足舌乾咽中食慾
不得下善驚恐不樂喉中鳴效唾氣逆煩悶○實則閉
癰瀉之虛則腰痛補之

照海○足內踝下陰騭脉所主○素註鍼四分留六呼灸
三壯○銅人鍼三分灸七壯明堂灸三壯○主咽乾心

悲不樂四肢懈惰久瀆卒疝吐嗜卧大風默默不知
所痛視如見星小腹痛婦女經逆四肢淫樂陰暴跳起
或癢瀉清汁小腹偏痛淋陰莖挺出月水不調○潔古
曰癰病夜發灸陰蹻照海穴也

水泉○太谿下一寸內踝下少陰部○銅人灸五壯鍼四分○主目眇眇不能遠視女子月事不來來即心下多
悶痛陰挺出小便淋瀝腹中痛

復溜

一名昌陽
一名伏白

足內踝上二寸筋骨陷中前旁骨是復溜

後旁筋是交信二穴止隔一條筋足少陰脉所行為經
金腎虛補之○素註鍼三分留七呼灸五壯明堂七壯
○主腸辟腰脊內引痛不得俛仰起坐目視眇眇善怒
多言舌乾胃熱虫動涎出足痿不收履筋寒不自温腹

中雷鳴腹脹如鼓四肢腫十種水病青赤黃白黑青取
井赤取榮黃取俞白取經黑取合血痔泄後腫五淋血
淋小便如散火骨寒熱盜汗汗注不止齧齒脉微細不
見或時無脉

交信○足內踝骨上二寸少陰前太陰後廉筋骨間陰驕
之郄○銅人鍼四分留十呼灸三壯素註留五呼○主
氣淋癘疔陰急陰汗瀉痢赤白氣熱癰股樞髀內痛大
小便難淋女子漏血不止陰挺出月水不來小腹偏痛
四肢淫樂盜汗出

築賓○內踝上五寸腓分中陰維之郄○銅人鍼四分留
五呼灸三壯素註刺三分灸五壯○主癩疔胎疔癰疾
狂易妄言怒罵吐舌嘔吐涎沫足脛痛

陰谷○膝下內輔骨後大筋下小筋上按之應手屈膝乃
得之足少陰脉所入爲合水○銅人鍼四分灸三壯○
主膝痛如錐不得屈伸縱涎下煩逆溺難小便急引陰
痛陰痿股內蕪痛婦人漏下不止腹脹滿不得息小便
黃男子如蠱女子少娠

橫骨○大赫下一寸育俞下五寸陰上橫骨中宛曲如仰
月中央去腹中行各一寸半素註去中行一寸足少陰
衝脉之會○銅人灸三壯素註鍼一寸灸五壯○主淋
小便不通陰器下縱引痛小腹滿目赤痛從內眥始五
藏虛竭失精

大赫一名陰維氣穴下一寸去腹中行灸一寸半素註一

寸足少陰衝脉之會○銅人灸五壯鍼三分素註鍼一

寸灸三壯○主虛勞失精陰痿精溢陰上縮莖中痛目
赤痛從內皆始婦人赤沃

氣穴

名胞門
名子戶

四滿下一寸去腹中行兩旁各一寸半足

少陰衝脉之會○銅人灸五壯鍼三分素註鍼一寸灸
五壯○主賁脉氣上下引脊痛洩利不止目赤痛從內
皆始婦人月事不調

四滿

名中注

下一寸氣穴上一寸去腹中行各一寸半

足少陰脉衝脉之會○銅人鍼三分灸三壯○主積聚
疝瘕腸辟大腸有水臍下切痛振寒目內皆赤痛婦人
月水不調惡血疔痛奔豚上下無子

中注○盲俞下一寸去腹中行各一寸半足少陰衝脉之
會○銅人鍼一分灸五壯○主小腹有熱大便堅燥不

利泄氣上下引腰脊痛目內眦赤痛女子月事不調

盲俞○商曲下一寸去臍中五分素註一寸足少陰衝脉
之會○銅人鍼一寸灸五壯○主腹切痛寒疝大便秘
腹滿響響然不便心下有寒目赤痛從內眦始

按諸家俱以疝主於腎故足少陰經窵穴多兼治疝
丹谿以疝本肝經與腎絕無相干足以正千古之訛

商曲○石闕下一寸出腹中行各五分素註一寸足少陰
衝脉之會○銅人鍼一寸灸五壯○主腹痛腹中積聚
時切痛腸中痛不嗜食目赤痛從內眦始

石闕○陰都下一寸去腹中行各五分素註一寸足少陰
衝脉之會○銅人鍼一寸灸三壯○主噦噫嘔逆腹痛
氣淋小便黃大便不通心下堅滿脊強不利多唾目赤

痛從內皆始婦人子藏有惡血血上衝腹痛不可忍

陰都

一名食宮

通谷下一寸夾胃脘兩邊相去五分素註一寸

足少陰衝脈之會○銅人鍼三分灸三壯○主心滿逆

氣腸鳴肺脹氣搶脇下熱痛目赤痛從內皆始

通谷

○幽門下一寸夾上脘兩旁相去五分素註一寸十

四經發揮云自商曲至通谷去腹中行各五分素註自

肓俞至幽門去中行各一寸足少陰衝脈之會○銅人

鍼五分灸五壯明堂灸三壯○主失欠口喎食飲善嘔

暴瘖不能言結積留飲痰癖胸滿食不化心恍惚喜嘔

目赤痛從內皆始

幽門

○夾巨關兩旁各五分陷中明堂云巨關旁一寸五

分千金云夾巨關一寸

按幽門當在足陽明衝脈所挾

○銅人鍼一寸灸五壯○主小腹脹滿嘔吐涎沫喜唾
煩悶胸痛胸中滿不嗜食逆氣欬健忘洩利膿血目赤
痛從內皆始女子心腹逆氣

步廊○神封下一寸六分陷中去胸中行二寸仰而取之
○素註鍼四分銅人鍼三分灸五壯○主胸脇支滿痛
引胸鼻塞不通不得息呼吸少氣欬逆嘔吐不嗜食不
得舉臂

神封○靈墟下一寸六分陷中胸中行名開二寸○素註
鍼四分銅人鍼三分灸五壯○主胸脇支滿痛引胸不
得息咳逆嘔吐胸滿不嗜食

靈墟○神蔽下一寸六分陷中去中行各開一寸○素註
鍼四分銅人鍼三分灸五壯○主胸脇支滿痛引胸不

得息欬逆嘔吐胸滿不嗜食

行厥○或中下一寸六分胸中去胸中行二寸○銅人灸五壯鍼三分素註四分○主嘔吐欬逆喘不得息胸滿不嗜食

或中○俞府下一寸六分去胸中行二寸仰而取之○銅人鍼四分灸五壯明堂灸三壯 三欬逆喘息不能食胸脇支滿涎出多唾

俞府○巨骨下旋璣旁二寸胸中仰而取之○素註刺四分銅人鍼三分灸五壯下經灸三壯○主欬逆上氣嘔吐喘嗽腹脹不下食飲胸中痛

按錢氏於腎有補無瀉故於藥亦止制補腎地黃丸而無瀉腎藥也

脾十日死其動為吞又曰五日死○主多食身疲
鹹汗痰癖積聚脇下滿洩利瘕瘧寒熱水腫氣脹
痛黃疸喜久不嗜食

胃俞○十二椎下兩旁相去脊中各一寸五分正坐取之
○銅人鍼三分留七呼灸隨年為壯明堂灸三壯下經
七壯○主瘧亂胃寒腹脹而鳴鏗胃嘔吐不嗜食多食
羸瘦目不明腹痛胸脇支滿脊痛筋攣小兒羸瘦不生
肌膚○東垣曰中濕者治在胃俞

三焦俞○十二椎下兩旁相去脊中各一寸五分正坐取
之○銅人鍼五分留七呼灸三壯明堂鍼三分灸五壯
○主臑府積聚脹滿羸瘦不能飲食傷寒頭痛飲食吐
逆肩背急腰脊強不得俛仰水穀不化泄注下利腹脹

腸鳴目眩頭痛

腎俞○十四椎下兩旁相去脊中各一寸五分與臍平正
坐取之欲知背俞先度其兩乳間中折之更以他草六
去半已即以兩隅相拄也乃舉以度其背令其一隅居
上齊脊大椎兩隅在下當其下隅者肺之俞也復下一
度心之俞也復下一度肝之俞也脾之俞也復下一度
腎之俞也○銅人鍼三分留七呼灸以年爲壯明堂灸
三壯○素問刺中腎六日死其動爲噦又五日死○主
虛勞羸瘦耳聾腎虛水箴久冷心腹填滿脹急兩脇滿
引小腹急痛脹熱小便淋目視眊眊少氣溺血小便濁
出精夢泄腎中風踞坐而腰痛消渴五勞七傷虛熱脚
膝拘急腰寒如水頭重身熱振慄食多羸瘦面黃黑腸

俞木 三閭 後谿 臨泣 階谷 束骨 中渚所注

原 合谷 腕骨 垣墟 衝陽 京骨 陽池所過

經火 陽谿 陽谷 陽輔 解谿 崑崙 支溝所行

合上 曲池 少海 陽陵泉 三里 委中 天井所入